

南海先生詩集

門人新會梁啟超手寫

20724

南海先生詩集

南海先生詩集

每部定價大洋五元五角

上海福州路

總發行所廣智書局

北京琉璃廠

翻刻必究

詩者言之有節文者邪
凡人情志鬱於中境遇
交於外境遇之交壓也
環異則情志之鬱積也
深厚情者陰也境者陽
也情幽而相襲境嫺而

相發陰陽愈不迫則逾反
化而旁薄又有禮俗文例
以節其之故積極而發馮
若江河舒為一雲奔如捲
湖怒為驚雷咽為沒灘
抄如引泉飛如驟雨其或

因境而移情樂喜而自哀
怒異時則又玉磬鏗之
兌鏘、鐵笛裂之樂出情之
以自然而所以已者哉夫有
元氣則蒸而為熱氣而成
響磨而生光合者變化而成

山川耀裂而為火山流金匯
聚而為大海迴波塊軋可
芒大塊文章一是故為人哉
心少分已也故志深厚而氣
雄直者莽天地而獨立妙
於物而為之恹惻其情

明白香靈正則甚形玲瓏
其聲兮其芳且馨其穠華
遠清中和永平澹泊而心
厭亭立而水務逸灑而淵
海月以而山行石破而天驚
時或風雨怒號金鐵飛鳴

山水妙麗天日晶晴或對馬
戟酣旌旂飛榮或廣殿排
仗冕旒嚴轅或巖籐落葉
西坐老僧或對花放曠士女
去盈戈深山大河巨海積沙
崇峯攢天洪波疊嶺飛雪

蔽地涵海極目煙岫鬱
攸蜿蜒漫出乾端坤倪
神怪暴發人理物理龍
象蹴踏功其為情深而
文明氣感而化神者耶
吾童好祖詩而學在擇

理既示雖人性又好事不
能雕肝鉅肺以為詩人
然性好游嗜山水愛風
竹船唇馬背野店驛亭
不暇為學則餘事為詩
天人之哉及庚及戌成道禍

道北海外五洲萬國靡
所不到風俗名勝託為
詠錡莫拔抑塞磊落之
懷日行連犴竒偉之境
以睨舊鄉遭回攻圍閱劫
已數世矣日北靈均之吟澤

畔騷些多哀子卿之嚙
雪海上平生已矣河梁隴
首游子以之落月屋梁
水波深濶嗟家川邁些
庸於詩情在於詩境氣
難已奔亡云定散彼弥多

內人果啓超詩收拾叢殘
蕞願手寫搜篋與人尚存
千休篇亡人何求又此有
千秋之名心也抑以寫身
世蕞幽懷哀樂無端詠
歎淫佚窮者達情勞者

得事小雅國風之所不
棄也後之誦其詩誦其
世者乃上世罪耶

孔子二千四百五十九年印

光緒三十四年十月九日

南海康有為更生自序

延香老屋詩集卷一

汗漫舫詩集卷二

萬木草堂詩集卷三

明夷閣詩集卷四

大底閣詩集卷五

須彌雪亭詩集卷六

逍遙遊坐詩集卷七

寥天室詩集卷八

避島詩集卷九

漪漣詩集卷十

南蘭堂詩集卷十一

憩園詩集卷十二

納東海亭詩集卷十三

辛亥七月更生寫記

右門人果任公所寫詩凡四卷五明夷
閣止事數日繁必甚暇畢寫門人
詩先以付印以待換寫焉 更生

五月

延香老屋詩集

南海先生詩集卷之一

門人新會梁啟超手寫

吾有先人敝廬在西樵山之北銀塘鄉深處號
曰延香老屋外為七檜園澹如樓吾三十歲前
讀書其間少頗吟詠十不存一緝叢殘逸名之
曰延香老屋詩集記祖德也諸歌辭弁焉凡詩
一百六十五首

大同書成題詞

千界皆煩惱吾來偶現身獄囚哀濁世飢溺為斯人諸
聖皆良藥蒼天太不神萬年無進化大地合沉淪

人道祇求樂天心惟有仁先除諸苦灑漸見太平春一
一生花界人人現佛身大同猶有道吾欲度生民
廿年抱宏願卅卷告成書衆病如其已吾言亦可除人
天緣已矣輪劫轉空虛懸記千秋事醫王亦有初

啓超謹案先生演禮運大同之義始終其條理折衷
羣聖立為教說以拯溺世二十年前略授口說於門
弟子辛丑壬寅間遊地印度乃著為成書啓超
屢乞付印先生以今方為國競之世未許也

愛國歌

登地頂崑崙之墟左望萬里日維神州東南襟滄海西
北枕崇丘嶽嶺環峙川澤匯流中開天府之奧區萬國
莫我侔

我江河浩。萬餘里其餘百川無涯。漢江南十里必有
川深廣可以泛汽船。新頭恒河與密士失必淺窄。僅比
我小泉。來回多鏡。太吾士先河。泰攔皆是短小流。消
幼發拉的底格里兩河。難比江河之長源。萬國無我水
利專。

巨山廣澤大野深林原隰。陵衍江湖溪澗。千百里間必
備崇深。相彼印度與北美。萬里平原無寸岑。埃及波斯
阿拉伯沙漠。沉。地形自歐洲之外。兮無與我並。駕而
倚衿。

地兼三帶。候備寒暑。川嶽含珍。原野平楚。五金薈萃。萬

寶籙撫以花為國粲爛天府橫覽大地莫我能與
鳥獸昆蟲果窠草木億品萬彙物產繁毓羽毛齒革錦
繡珠玉衣食器用內求自足五色六章袷絲為服飲饌
百品美備水陸冠絕萬國獨受多福

魏：我祖懿惟黃帝天啓神靈創始治世監視萬國無
如赤縣地自崑崙西東徙臨蒞時巡鎮撫師兵營衛有
苗蚩尤鐵額銅頭是戮是平乃統九州力牧開闢風后
宣猷倉頡制字文明休休

惟我文明曰五千年歷史繚遠莫我先埃及金字塔中
絕文不傳印度九十六道微妙隱不宣惟我聖作文字

遠而存堯舜讓帝創民主孔子改制文教宣漢唐開闢
益光大東亞各國皆我文化權希臘興周末文章盛賀
梅羅馬更是強漢世皆祇當我雲來孫何況歐洲諸國
之後生島陸羣蠻種屬更何言

我同胞兮祖軒轅世本族譜百世傳皆諸侯大夫遺子
孫金枝玉葉布中原于今兄弟五萬：同一源地球之
大姓莫我遠原萬國之人民莫我庶繁

中華地大比全歐全國同文宰亞洲日本高麗安南皆
我語言文字之遺留雖有閩粵音稍轉十六省語能通
郵印度文二十語言分四流歐洲十餘國國：語文殊

異難搜求奧國十四文德國內六分英之威路士與愛
爾蘭語言殊異難誦聞彼徧設鐵路尚如此我無鐵路
乃能同語文大地同化之力無如我神

神禹開華夏秦漢大一統長城萬里壓龍從張騫西域
遠鑿空漢武唐太鞭四夷南朔東西皆入貢郭侃百日
滅波斯天朝自古諸蠻重亞洲國土我獨尊上國之人
眾所奉至今安南印度稱阿赫二千年內神威動

我人相好端金色我人聰明妙神識我國制作最先極
據几著袴持箸食突厥印度埃及號文明不袴手食坐
地席英用刀匕二百年倍根之世尚不識惟我聖賢豪

傑多如鯽文化武功如交織我心忤
起感激大地父
明世家我第一

我若生高麗兮一時脅罷兵而亡噫我若生阿富汗暹
羅之小國竄民兮雖自厲而無能強噫我若生印度兮
久為奴而無鄉噫我若為波斯突厥之人兮教力壓而
難揚噫我即為荷蘭比利時瑞典丹墨之國民兮蕞爾
強善而難張噫我又為德法奧意諸強之民兮爭雄於
歐而難逞大力於太平洋噫方霸義之相競兮非有廣
土衆民難迴翔惟我有霸國之資兮橫覽大地無與我
頡頏我何幸生此第一大國兮神氣王長

我之哲學已東西我無壓力無所迷我欲自強于一彌
而心齊大呼而奮發氣銳神橫飛

我速事工藝汽機兮可以歐美為府庫我人民四五萬
萬兮選民兵可有千萬數我金鐵生殖無量兮我軍艦
可以千艘造橫絕五洲兮看黃龍旂之飛舞

愛國短歌行

神州萬里風泱泱崑崙東南海為疆岳嶺回環江河長
中開天府萬寶藏地兼三帶寒暑藏以花為國絲為裳
百品雜陳飲饌良地大物博冠萬方

我祖黃帝傳百世一姓四五族兄弟族譜歷史五千載

大地文明無我違全國語文同一致武功一統垂文治
四裔入貢懷威惠用我文化服我制亞洲獨尊主人位
今為萬國競爭時惟我廣土衆民霸國資徧鑿萬國無
侶之我人齊心戮憤可突飛速成學藝與汽機民兵千
萬選健兒大造鐵艦游天池舞破大地黃龍旗

文成舞辭

嗚呼鮮民予惟生多艱邁世屯危予區域分爭歲役與
車膏塗陵津惟天降鑿哀我下民以師代君誕於尼山
師代君一成

尼山律率猗彼魯東靄麟吐書亶縱睿聰智周萬物道

與天通脫然世表豈不雍容乃心肫：寔哀氓蒙誓言
拯之共其吉凶 尼山聖二成

乃顧四國駕言周游其車揭：其馬秋：嗟彼孩童不
即我謀污塵濫天豈不思休哀我生民懷我東周 四國

游三成

兩河舊都天下之中朝多都美其野荔豐猗歟三代未
至大同不可而為誰知余哀依我磬聲南北西東 衛擊

磬四成

我歲晏兮我車搏兮天命攸滔不為君兮歸歟歸歟吾
黨之多狂蘭兮四方攸從朋三千兮徒屬六萬儒洗：

教曰昌大舊詩今作
瞻彼壇杏

于教日昌大條榘弥天子創儒教五成

惟昔之制失其綱惟今之制立其常天命在吾疇敢即

康改制立義託諸先王造作文字經列緯張繙以十二

分之陰陽道備天人莫敢不莊範圍百世寔惟素王

經

改制六成

惟彼麟于昌王道于王道之明游我藪圃于今非其時

來何故耶天命有德徵蒼素于吁嗟麟于傷美人之遲

暮于人知春秋之改制于不知堯舜之得路于獲麟筆

七成

惟儒教師仲尼大弟子凡一之支根條昌粵榘葉離披匪

于字筆誤作耶

彼貴勢惟行道之知國立博士人誦書詩凡彼九流亦
我附枝厥道闕衍為天下師傳儒統一成

炎漢興用孔制春秋學以經世絕異端一統治三雍湯
湯逢掖萬方帝者執經夷裔擠裳凡二千年蒙我三綱
三統通嬗三世並張方行據亂猶用小康俎豆莘莘仁
治日張曰夫子之文章受孔治九成

啓超謹案此先生誦學萬木草堂時製以為釋菜
禮聖之樂者律奏舞容咸備我同學皆誦習之惜
今流失不復
能記憶也

干城學校歌

臨睨太平洋兮迴望神州兵氣不揚兮感國是憂強敵

磨身而爭噬予瓜分日謀我同胞被魚肉予逐辱可羞
我恐為奴隸馬牛予夜沈：而神慙
相波猶太子如喪家之狗無所依噫視彼波蘭印度永
奴之噫我若無國兮被逐何歸噫我不急時奮起予既
落難復飛噫

蕞尔日本予我種我曹地大如吾四川予人短不高能
捨身家予衛國土能習武事予學兵韜能勝強俄予萬
國仰其英豪豈有他哉武明是號嗟乎處競爭之世予
有兵則文明無兵則蠻髦

况我萬里之廣土予五百兆之人民五金萬寶之咸備

予萬國無倫我可以選千萬之民兵予為一大軍舞我
黃龍旗予橫絕地球春

我奮我武我警我心誓言學兵執劍森森我買戎衣不
惜黃金我持鐵鎗步伐岑岑山立揚休蹈厲不侵

酷日侵我操於兵場汗透重衣不敢怠違校長有今夜
走大荒曰言遠赴急理戎裝豈不愛我工豈不畏勞傷
我決衛國貧苦皆忘

惟我情伍或中道棄我心傷之力不宏毅彼戀工費乃
忘國事國既不保家於何寄願言諫止我僚奮厲

既已學兵以國自荷馬革裹尸誓死得所何況勞苦其

何以躲銅像我：他日視我

我先輩之韓信予半歲而平八國班超之滅鄯善予以
三十六人而敢作郭侃郭寶玉父子兮百日掃波斯之
城郭環大地無此將才予惟我華人之獄：我後起之
英傑予當進步其先覺

僅學兵伍我豈自安當入武學將才桓：兵行如水兵
灑如山閱歷變化大敵乃單西定東征威震瀛寰勿笑
我為卒請看田單振我中華視我忠肝榮我華民視我
忠肝

保皇會歌五章

我皇之仁聖予舍身變法以救民維百日之新政予
冠千古而管萬國人

痛奸賊之篡廢 聖主予盡撤新政而守舊日賣地而
賣民予嗟吾四萬之人其將為奴絕種而罔後

哀 瀛臺之幽囚予渺海波之浩隔痛 衣帶詔之求

救予伊中外而求索望忠愛之壯士予念舍身救民之

恩澤共洒血以救 聖主予乃可以新吾國

皇上之不變法予可以不廢 皇上之救民予遂喪

寶位 皇上之舍身為我民予胡不隕涕

皇上之不復權予中國必亡 皇上之復權予大地

莫強同志憤起予誓共復夫我皇

中華帝國憲政會歌四章

惟天生民予賦才與權俾自營衛予羣族乃存合羣之道衆議是尊舍私從公憲政攸傳

惟諸聖之救民予除苦患而求樂利雖君長之愛民予豈如吾民之自治雖一人之仁聖予未若合衆之智好惡從之衆予自大公而無偏毗

我有議院總章合宮我尊堯舜天下為公選賢與能衆議是從國人皆曰是協大同孔子作春秋君民在法中名分各當憲法之宗

惟列國之安榮于賴憲法之制定散四萬人則愚于
合四萬人則聖憲法立于君民同慶聘民獻於明堂于
惟抗議之中心觀中華之復旦于颺龍旂而莫競

啓超謹案右三篇皆應美洲華僑之請而作授使
羣歌者也故陳義選辭皆以通俗運下為百歸

侍連州公登城北畫不如樓

先祖諱贊脩號述之以舉人官連州訓導贈教

授祀昭忠祠吾少孤携於官舍教之聖哲大義

高行暇則從游山水此樓為唐劉夢得遺跡俯

視郭外山石松泉至佳勝時年十二始學為詩

有觀競渡二十韻失矣僅存此以記祖訓

萬松亂石著仙居絕好青山畫不如我愛登樓最高處
日看雲氣夜看書

讀書西樵山白雲洞

吾鄉居西樵山北山有白雲洞最幽勝少日頻讀書於此

瀑流千尺射龍從巖壑幽深隱綠苜日踏披雲臺上路

滿山開徧杜鵑紅

雲洞巖徑曲深上有飛瀑二前為龍後園春時瀑上山顛徧杜鵑花壁

崖道廣丈許曰披雲臺可通高士祠上妙高臺屈折曲折日携冊賦瀑看雲馬

高士祠中曾小住捫蘿日上妙高臺白雲無盡先生去

洞口雲飛我又來

祠祀明河白雲先生倚山壁立百餘竇曲上通妙高臺吾昔居祠中日一

登臺呼吸雲霞

僊館清參讀道書黃庭寫罷證真如放生記較周顛鱉

池上雲泉看巨魚

吾居雲泉仙館曠書臺下之室數月讀道佛書館前引泉為放生池中念

衆生皆有血氣知覺同苦痛刻乃放魚而戒教焉一月而復方當人道競爭以待太平世乃行也

三湖院外步長堤 下三湖印月低西北月同南月影

證從拍月夜提攜

有三湖湖上作書院與梁鏡君兄弟日夕步湖堤時讀傳燈拍月錄共證性

海同源絕無差別也

延香老屋率幼博弟曝書

延香老屋為先曾祖通奉公雲衢府君遺宅自

高祖榮祿公炳堂府君及先祖連州公先考知縣公少農府君四世書藏於是先師朱九江先

生代購全史杜詩皆佳本多遭蠹食幼侍先君每夏日檢曝後借諸弟歲勞累日階前梅一樹

為從父藝仲廣文公手植吾日攤卷其下

百年舊宅賸楹書 舊史曾傷付蠹魚 一樹梅花清影下

焚香曬帙午晴初

餐霞吟

少賦餐霞已三十年後之乃今心事而少
時烹境已如此也庚戌二月更生自注

我師長桑子隱山已成道本是餐霞人偶為世網誤世
事已可知道法固宿好去去三千年人民皆非故哀哉
長太息著我看雲屨且訪地肺山行入藍竹路朝與中
黃期暮與凌陽遇仙人羽衣裳白鹿供騰馭再拜求道
術誠勤得所事授我朱英丸予我玉函素雲母有五色
合藥世可度金紫丹已成龍虎駕可御仙宮青龍車旌
幢迎我去並此殿何鬱鬱紫雲翳無數侍女騎鳳皇雙飛
珠玉樹四壁光熠燿符書靈若著酌我紫霞杯飲之顏

飛字筆誤作俯

長駐一杯壽萬歲天地為旦暮仰手弄星辰俯足宿雲
霧身體有光耀噓氣凌虛步未忘生民疾聊向人間住
從者仙鶴姿招雲問何處儻肯從我游五行記當告石
粟熟異香金液注丹露上得形骸解下得神氣固無為
思人間馨香此臭腐

碧月

雲字筆誤作寒

碧月出滄海隱躍江波閒清輝翳微寒流光自澹閑星
辰爛然明河漢有薄寒感彼高樓人循階獨盪桓俯仰
萬古事喟然悽心肝豈獨傷別離頗惜良會難急欲慷
慨舞涕出已汎瀾下帷且歸眠久寐不能安伏枕屢輾

側哀感已萬端
夢見素心人
紫衣而錦襴
撫琴共笑言
永誓結古懽
贈我青玉函
憐我縞衣單
魂夢方歡娛
天雞夜已闌
攬衣起徘徊
長夜浩漫
仰首視玉衡
俯首倚闌干

秋登越王臺

秋風立馬越王臺
混：蛇龍最可哀
十七史從何說起
三千劫幾歷輪迴
腐儒心事呼天問
大地山河跨海來
臨眺飛雲橫八表
豈無倚劍嘆雄才

澹如樓讀書

樓在西樵山北銀塘鄉七檜園先
祖友之公自桂撫歸休所築藏書數

萬卷吾少讀書於此十餘
年七檜為數百年物矣

原鈔本百字下一
字不可誤別
當止游字

三年不讀南朝史
瑣豔濃香久懶熏
偶有遁逃聊學佛
傷於哀樂遂能文
懺除綺語從居易
悔作雕蟲似子雲
憂患百經未聞道
空階細雨送斜曛

初游香港觀歐亞各洲俗
己丑冬月

靈島神皋聚百口
別峯通電線
單微半空樓閣凌雲起
大海濛艷破浪飛
夾道紅塵馳驟裏
沿山綠圃闌芳菲
傷心信美非吾土
錦帕蠻鞋滿目非

登粵秀山頂五層樓

登山縹緲又登樓
風起雲飛攬九州
滄海有時經燼劫
布衣何處不王侯
袖中納：乾坤易
眼底芒：星漢浮

雲水此身頻出入珠江花發又扁舟

送張十六翰林延秋先生還京

先生名鼎華又號客子番禺人神識

絕人學問極博少以神童名十三歲登科曾直
軍機三十二乃入翰林則已顏矣詞館不娶妻

者惟先生一人過流累年談學
最多博聞妙解相得至深也

文采周南太史公每因問訊向西風謬逢倒屣知王粲

敢論忘年友孔融憂道海濱傷獨立思元天外若為通

秋風每賦感知已記得樵山花又紅

紅 啓超謹案先生讀
書西樵山白雲洞

時年未弱冠張翰林以一時耆宿才名藉
甚偶游樵山造廬相訪一見傾心遂定交

才調如公孰比稱賈生老矣不峻嶒於今翫世同方朔

最是憐才似彥昇家在故鄉仍是容身畱一疑不如僧

天涯我動龍蛇感秋雨相過共一鎗
草長珠江碧似螺鷓鴣聲裏怕離歌滄溟日出消黃霧
島嶼風迴長白波多病宜為醫藥計長途莫厭寄書多
韓康甥舅間同住為訊新詩近若何

贈張喜子先生行兼呈鄧鐵香給諫

一出修門已六春帝城騎馬故閑身近聞臺諫開言路
又聽公卿起舊臣草野有占望雷雨華夷無界動星辰
中興樹業爭宏達莫使清流作黨人

不及三年安南敗後諸公同去幾成

識語

泛海至天津入京復還上海

萬里煙波迴紫潮五雲宮闕管丹霄津沽形勝曾全覽
京國名流頗見招方朔長安徒索米子胥吳市又吹簫
側身天地素衣薄載酒江湖綠鬢飄

游揚州久經兵燹名園盡毀繁華無覩愴然賦詩
千年形勢謬維揚蒼翠坡陀作蜀岡舊日名園皆瓦礫
只今環郭賸垂楊孤臣雪嶺梅花暮賢守平山芍藥堂
廿四橋頭又明月不堪回首更平章

由揚州出鎮江瓜洲渡江大風雨望金山寺埭已
夕小舟甚危思親綦切

羣山杳隔岸暝孤塔蒼峙水流應想北堂念游子

滿天風雨渡瓜洲

登金山妙高臺寺僧出東坡玉帶相示摩挲久之
秋老長江起暮波夕陽光射塔嵯峨摩挲玉帶千年事
獨倚高臺問大羅

登鎮江北固樓

山圍城郭南徐鎮石撼潮湍北固樓天入長江生遠浪
風吹落木下清秋山川第一供憑吊國土三千放遠遊
無限霸才成底事怒濤滾滾向東流

游金陵明故宮及孝陵秦淮舊板橋

夕陽老柳板橋樓顏盡明宮落瓦秋虎踞龍蟠猶有夢

摩挲翁仲立螭頭

止觀自證

媽紅姹紫滿山春採藥尋香欲贈人
曲徑危橋都歷徧
出來依舊一吟身

蘇村卧病寫懷

蘇邨又名銀塘
各五百年世居

少年心事本擎雲南望樵山日又曛
賣畚何慚王景略
畫齋故是范希文擬經制禮吾何敢
蠟屐持籌事未分
稷契許身空笑爾稻粱不及鶩鷺羣

蛙蛤羣鳴草澤中莓苔綠上釣磯東
登樓俛仰古人往
展卷徘徊夜夢空遲遲
佳日供多病黯黯
虛名負此翁

偶過小園問芳訊落花飛盡賸殘紅

縱橫宙合一微塵偶到人間閱廿春
世界開新逢進化賢師受道愧傳薪
名山渺莽千秋業大地蒼茫七尺身
南望九江北京國拊心辜負總酸辛

夜：登樓望大星紫微帝座故燦：山河兩戒誰能考
廟社千秋尚有靈道喪官私惟帖括政蕪兵食盡虛名
虞淵墜日憂難挽漆室幽人泣六經

除夕答從兄沛然秀才時將入京上書

爆竹聲中歲已闌忽來書札夜漫漫
新詩付與子由定資斧能憐范叔寒
鼎：百年言笑速悠：萬里別離難

明朝櫪馬林烏闌擬典衣裘盡一歡

二十年來同筆硯讀書常共一燈光
機雲對住三間屋
軾轍頻聯半夜床
應笑馬生多大志
最慚韓子逐名場
澹如樓上披籤軸
京洛何堪憶故鄉

落拓燕臺索筆行
飄零書劍路千程
海亘萬里兵戈戍
春色一年鶯燕聲
才士例應住京洛
幽人何解事公卿
素衣深恐緇塵浣
豈敢投繻入帝京

龍編戰士戈難息
鳳社樓船海正波
敢道投竿追郢郢
正愁輓粟少
蒲河東方索米終
難飽
同甫陳書不厭多
只是青楓江水湛
春心極目怕聞歌

感事

時馬江敗詣關
上書請變法

上帝清明閻閻開紛紛抗議上雲臺
啖名豈料皆殺浩

受祿誰能似介推玉斧畫圖分水地
金滕作冊隱風雷

治安一策知難上只是江湖心未灰

啓超謹案是時
醇賢親王當國外

廷簿有遺言故有
金滕風雷之語

聞鄧鐵香鴻臚安南畫界撤還卻寄

山河尺寸堪傷痛鱗介冠裳孰少多
杜牧罪言猶未得

賈生痛哭竟如何更無十萬橫磨劍
疇唱三千勅勒歌

便欲板輿常奉母似聞滄海有驚波

為鄉人陳煥鳴書扇

君通英文甚才曾為日弁使
館繕譯彙官隱於港各於君

所見日本書目乃驚日本之治學而託買羣書
自開譯局後法津日本書派游學因緣實自右

來也補
記之

曾作東和萬里游天風吹月照琉球使星闈：滄溟闊

鳳靡鸞叱有幾秋

二十班生已振竒象胥文字解侏離五千老學能藏晦
卅六國事可通知壯志故應懷馬革妙年何遽隱鷓皮
英雄湖海多沈蕩寄語休栖惡木枝

梁星海編脩免官寄贈

去歲春明聽曉鶯歸來遽賦可憐生抗章都忘牛衣泣
斥去真同馬仗鳴莫使微之移晚節不妨韓偓擅詞名

布衣老大傷懷抱憂國無端有歎聲

山居日挂地圖看久卧清漳等懶殘
閉戶尚憂天下事
舊游常作夢中懽
飛泉白石雲淙隱
鐵馬戈船溟海寒
花發越臺重把酒
不須悲瘵謫時艱

聞張延秋編脩典試閩中還病居煙澣樓自蘇村
二十
寄懷

蕭散金華客風流第一人
微言中達夜旦接衆喪精神已
薄人間世相憐病後身
今朝煙澣上誰與送殘春

寄梁大編脩

今代梁觀國風稜似左楊
謫官猶愛國教授不還鄉
負

戴吾何恨飛騰子莫量分飛丹穴鳳且莫夢含香

星海自京還詒京華舊游而崔夔典編脩淪謝矣

夔典聞吾將沒入京埽室以待追念厚意惕舊

感懷

一別三年京國秋冬殘相見慰離憂伏陳北闕有封事
醉臥西風賸酒樓芍藥翻紅春欲老杜鵑啼碧澗之幽
繁花零落故人在惆悵當時舊輩流

送春

盡日傷春已歸殘花誰與惜芳菲黃鶯接葉嘯難歇
紫蝶尋香故自飛感舊京華成夢送人流水更依

王孫未用歌招隱芳草山園願不違

答黃秀才

黃童名譽早騰飛慷慨陳書事是非
衛玠風神窺玉潤裴遐名理自珠霏
紅樓聽雨春同醉碧海看潮暮共歸
桺絮吹綿張緒去他年煙澣記依稀
絕憐裙屐多幽怨若有真靈證妙華
秋玉風流能好事漢鏞才筆合看花
荷衣蕙帶吾常佩白水青松尔莫嗟
自笑子雲甘寂寞多君載酒佯侯芭

梁小山中書愛姬隕落述其美德清節悼之至痛

以此塞其哀

重壁臺前萬玉鳴
連宵風雨撒芳馨
人閒第一柰何事
況復多情孫子荆

女師德象擅情
婉嫵如聞絡秀琴
無賴華年傷錦瑟
月明怕省玉谿吟

才子從來愛遠游
強持久病待歸舟
傷心半月纔相見
絮落花飛空一樓

檢書問字叩香囊
舊事玲瓏總斷腸
早是左家嬌女去
何堪失母更神傷

死別生離入恨天
桃花落去總茫然
斷魂幽夢長相憶
悟徹華曇是九泉

元臣溫嶠好錢癖名士王戎鑽李心天女散花超脫甚
口無阿堵玷徽音

戲簡某納姬

昨夜西風一棹歸聞歌桃葉是邪非石崇家婢饒新麗
不用真珠費百琲

繫臂曾聞付絳紗重盟歡折碧桃花從今紅燭脩新史
便有添香夢綠華

葛氏綺琴曾識字王珉團扇總相宜喜聞妒婦津無雨
三蒂江蘭並一枝

樊肥蠶瘦各相宜桃李昌丰舞柘枝盡日樓臺垂柳靜

東風添補治春詞

乙酉除夕病卧蘇村

时序去如煙卧病江村更惘然
避債並無癡可賣

祭詩幸有稿成編老妻解誦送窮作壽母分將壓歲錢

正欲團樂尋劇飲不堪棖觸送華年

紅白梅花次第新明朝元日恰逢春
桃符燈火明終夜

竹爆兒童鬧比鄰壯志常懷千古恨
流光易老百年身

無多笑語催殘漏坐聽林鳥噪嚮晨

訓陳逸山農部見贈

逸山雷州人曾游曹文正幕少負奇氣涼州浩穽初戶部

存學行俱高尤賞之嘗榜楹帖曰我詩不及一山詩与鄧鍊香鴻臚並為至交號嶺南三孝廉

皆咸同老輩也吾皆及交焉逸山晚節委蛇時
論少之嘗贈詩約我結鄰花埭曰花埭卜居思
結鄰蒼溼老木荒江濱讀書
酌酒最宜我翠葉桃花休引人

嶺外文章破大荒萬山趨海關雷陽一時豪傑陳同甫
九牧知名盛孝章老去雄心歸畫稿閑來逸事付詩囊
田疇竟向無終老長作耕夫卧醉鄉

我詩不及逸山詩海內傳聞潘老辭嘉道波瀾都不染
黃陳宗派許相師將軍玉塞秋屯帳少婦璇閨曉掠眉
雄渾新鮮歸老筆風流只合屈梁知

萬竿脩竹一茅堂熟計生涯隱逸長約共南山卜鄰宅
願同北郭老耕桑江山搖落空憂國湖海飄零獨卧床

樗散畫師聊自遣
英雄養晦是何鄉

題荷花畫幀

世界偶然留色相
生涯畢竟託清波
明璫翠羽人曾識
碧漢紅墻夢侶過
殘月照來裳佩冷
曉風墜後粉痕多
城南詩客頻相問
怡悵朱顏易老何

題從父竹蓀廣文公畫蘭

廣文公能詩有集
吾少年從受經

九畹荒蕪楚客悲
况教蒲艾滿當時
屈原已往羅含去
懷哀芳馨欲與誰

衆香雜進近何如
辟芷辛夷與揭車
綠葉紫莖空委露
秋山花放媚三閭

題吾友梁鐵君俠者畫竹

生挺凌雲節飄搖仍自持朔風常凜裂秋氣不離披亂
葉猶能勁柔枝不受吹只煩文與可寫照特淋漓

假寓花埭伍氏福蔭園兩月亭池靜麗已而遭從

兄子勛喪哀感徘徊而去

好春忽已三月幽鳥時聞一聲花埭樓臺成夢幻
白雲丘壘換公卿此身已拚束高閣發願從今依化城
華月不來靈雨暮淒涼誰與問三生

題黃季度畫贈著色折枝荷花

絕代容華絕代姿風鬟霧鬢見翻疑可憐照水好顏色

披隳江波賸折枝

舟出銀河至樵山竟日遇雨時三妹壻游湘琴新

喪三妹瓊琚旋逝觸目感愴

斜風兼冷雨吹我出銀河世界看沓影華年歎逝波離

憂樵樹遠客夢楚雲多前路無空闊天涯更若何

漠二樵雲暗滅二江雨微行人問水驛舟子扶蓑衣生

死誰堪託行歲事盡非回風吹浪海回首息塵機

感舊酸辛頭風凌逼入西門求醫

自此下皆首
疾游遣之作

陀城千古跡蕩二此西門屢堞凌雲迴街衢帶雨昏軒
車自古過名姓幾人尊軋二籃輿入低頭不欲言

七夕淫雨竟夕不寐

冷雨飄鴛瓦連宵滴到明人天多恨事風露况秋聲河
漢清難越江湖老此生迨看碧落惆悵是多情

粵城七夕有乞巧筵窮竭奢麗階季度往觀士女

喧闐盈衢溢巷

華堂深夜巧筵開鳳瑟銀燈待幾回既是天孫經歲別
一宵那得破閒來

少日工夫織錦裳虛名浪得繡鴛鴦老來頭白眼花暗
愧謝靈芸費繡腸

璇閨扇影鬪粧新士女衣香動比鄰老鈍先生無可乞

也隨人踏六街塵

虛憶黃姑是洛神
星河黯淡看難真
迢迢碧海青天夜
多少人閒未了因

河漢清微夜
窸窣星軒微
度月生潮九華鏡
下分明見珠珮
雲裳記昨宵

八月十四夜香港觀燈

空濛海月上金繩
又看秋宵香港燈
曼衍魚龍陳百戲
參差樓閣倚高層
怕聞清曲何堪客
便繞羣花也似僧
懽來獨惜非吾土
看劍高歌醉得曾

八月十五夜月

寂是團圓夜偏當寂寞時題殘青鳳紙淒絕紫笙詩玉
宇寒高處明璫夢阿誰馬纓門外樹怡悵月闌遲

飛紅

青鳥能無信黃驄自蹋口銀櫳溫繡被珠館屑香塵低
黛頻羞鏡飛紅欲墜人回頭見華月華月更鮮新

裙帶路

香港舊名

鑿石為馳道宮堯直上天大旗山頂颭飛綫海中傳蓄
水潭分管區邱樹若田登峯數樓閣參錯十洲僊

香港席上口占送余鼎三庶常之潮州

趙德祠邊堪覓句昌黎廟下可尋碑歸來檢點詩囊好

原鈔本一字不明
是去字

應有青蓬扇底詞

夜跨輪船

浩天風吹大瀛平生意氣愛縱橫花枝無那曾同照
海艦翻愁動遠征了絕色空難作達銷磨豪氣是多情
如絲春夢知何續贏得淒涼對月明

過虎門

粵海重關二虎尊萬龍轟鬪事何存至今遺壘餘殘石
白浪如山過虎門

月夜過黃埔

萬里天風吹月行飛舫浩杳破長鯨海山重複環黃埔

故壘連山燈火明

重九夜登高上太平山

重陽登高晝不秋夜作太平山頂遊籃輿迴出闌闌稠
樓閣上與五雲浮千門萬戶若懸旒銀鐙拚露依松楸
山石犖确松一邱馳道岩堯曲百周斜若緣橦曲若鉤
拗折迴出林之幽中天鶴鶴林下猴哀鳴應奮和成謳
輿夫噴氣汗欲流先生豪氣沖斗牛叱馭疾上無少休
登跨絕頂風颼：月華清澈纖雲收星斗爛：明雙眸
海氣蒼茫見十洲欲問飛仙不可求處：銀燈明重慶
別島竒峯難盡搜蓬瀛羽客時淹留恍如神山海中球

按晝不秋三字疑
有誤

我登絕頂生百憂問天無語聲啾
：闌風何所騁驂騑
便欲乘風掾上游被髮大荒何可由歸路茫
：碧海頭

題畫扇二首

桃花似識鄭圓
：春暖文鴛得靜便借問扇中雙女士
校量顏色孰為妍

夜
：熱香拜女牛紅艷關盼冷清秋
兜家自有羅敷在
涼月蒲
：燕子樓

冶秋詞十四首

銀鐙錯落走驂騑
夾道珠簾盡上鉤
最是太平山下路
玉笙吹徹小紅樓

華鬢寶釧自嬌嗔
翩尔凌波誤洛神
靈風神雨無心事
不分桃花忽惱人

闌風吹下許飛瓊
珠作根芽玉作英
為問護花青鳥使
種將紅藥為誰生

夢回檀枕玉搔頭
鮫帳垂垂紫鳳鉤
綉被堆雲香玉膩
海棠春睡冠香塵

圍繞雛鬟珠箔垂
曲師高坐教新詞
雲華半蹕櫻唇啟
正是新鶯初轉時

碧玉嬌嗔細二聲愁
紅恨紫付瑤英卻憐華
月殿勤甚
陪伴銀釭照到明

華簪委髮翠盤鸞玉面珠光筆畫難
猶記鏡華開滿月
水晶窓下捲簾看

半惱佯羞帶笑癡春雲如夢心迷離
桃花開盡無言處
消受芳馨語阿誰

餘香深夜在熏籠三尺華雲委墜紅
檀枕半欹新睡覺
明河欲曙隔屏風

綽約花枝露蘸秋芙蓉乍斂卻含羞
照來影畫三分肖
不數盧家有莫愁

綠鬢香羅著綉鞋玉容傅粉手親搯
背人對鏡私偷語
昨卜金錢事可諧

人間筆誤作生

綠楊低拂隔紅墻紫燕呢喃傍杏梁他日相思山下路
銀鐙挑盡記平章

銀雲淫滯月華圓花氣氤氳膩醉眠無那西風催別急
不堪回首在歸船
六識人生終別離取難排遣是當時多情卻是无情好
怡悵三生杜牧之

香雲曲

香雲滯淫已十日柔春如絲不可說朔風忽尔作厲烈
吹入高樓歸意決籃輿啣暖三夫疾回首相望更淒絕
海輪浩渺浪如雪飛輪騰煙轉倉卒山頂煙暝吐華月

海雲筆誤作海
輪

今夕月圓無少缺美人容華隔天末樓臺燈火半明滅
漸為海波所吞沒愁如迴颯心如結櫻桃花開應早折
不然落向芳菲節安得夸娥假大力海濤澆胸心猶熱
竟夜攬衾眠不得縱觀山海茫無色巡船倚闌待天白

珠江艇子題畫

天邊清露瀉芙蓉玉液瓊漿取次逢
偶尔輪迴到人世不知神女最高峯

已了人天信色空不應怡悵對花叢
芳馨一片憑誰寄腸斷孤篷明月中

贈何比部

鳳靡鸞吼客偏於異域逢
誦詩銀鑿落把劍玉芙蓉
濛鏡沈寒月香江聞曉鐘
綠華有心事條脫贈從容

月夜游太平山

白沙馳道絕山腰
山斷紅闌接石橋
最是萬松燈下過
月明山海望深宵

沿山闢路夾青松
樓閣溪橋曲
逢夜
月明橋上立
飛泉浩
劈中峯

月明山路冷生冰
馳道孤遊記得曾
碧水碧山烟霧裏
玲瓏樓閣萬枝燈

靈霧神風跨鶴游
蒼茫海嶠認蓬洲
欲挾飛仙過東海

瑤臺雖好不淹留

香港觀賽你曾閱歐戲遂游濠鏡觀馬戲為見歐

俗百戲之始

香江陸海感蒼茫濠鏡山川對夕陽若問先生果何見
詭竒馬戲及蠻裝

哀方亮貞外兄

華岳峯尖秋隼高天生劒氣不能韜讀書螢死秋風冷

陋巷招魂太怨騷

兄高志剛節博學能文不得志於場屋早卒假乘時位周新海忠介也

登輪舟

海氣拍天白浪浮秋風策生高樓行人解纜少顏色

客子華鬢生離憂美人容華渺天末芙蓉淒露香玉愁
飛舫浩：破雲去相思咽斷銀篴篴

思元詞

高柳紅樓日夜垂含煙和露幾多枝深宵被酒新迴面
盡日垂簾細畫眉滴得蠟珠拚作淚穿來藕綫未成絲
官奴寫帖誰分付誤卻青氈是獻之

畫屏掩處隔紅綃神雨靈風夢未迨斜拍牽牛盟錦臂
雙騎紫鳳協瓊簫油車有待迎蘇小金屋猶難貯阿嬌
若得雲英移玉杵不須銅雀鎖雙喬

櫻桃開半已春深杜牧傷春試再尋舊日玉梅遲結子

中宵綺帶縮同心靈芸香唾成紅玉瑤母真丹碎紫金
紅燭他年照脩史無題記疊蟪蛄吟

闌風縹馬幾何年忽聽霓裳第一絃秋夢那無飛作雨
夜吟一任化為煙綺寮熏被香難滅珠館飄鐙影尚圓
從此芳心抱寒玉便能銷歇總淒然

秋病頭風連日買舟與梁小山游花埭半塘諸園

晚至河南萬松園主人散勤乞畱題

日看花上畫船秋來多病遣清眠竹絲陶寫多哀樂
池館流連感歲年近水松篁籠晚日隔溪亭榭蘼寒煙
重來感舊知何日消受香風萬柄蓮

伍氏萬松園觀鬪蟋蟀

風流猶是半閒堂
碧瑣朱闌鬪蟀場
千古雌雄竟誰是
紅棉笑殺賈平章

何易一神識至仁有冒溥識吾者與貸易一即捨
青氊並贈金馬以書相告嘲之

白傅有大裘其長千萬丈欲衣被寒士使之懷挾纊吾
妄竊名字顧非能儻蕩雖志杜陵厦卻之元震藏嗟尔
落難士胡為採虛望謬稱識文舉引誼相思誑吾友何
易一大仁情益愛及丈人烏青氊慨捨讓加餽斗酒
資飛書告助相以此黔婁貧供彼博徒浪三族猶彌寒

紅當作紅

坐視不為諒較量厚薄間雖厚未得當君乃墨者學寬
親同一樣未行捨身志先作駿骨况徧告天下士飢寒
吾惆悵下及鷹虎類我亦割肉養君雖誦能仁君身肉
幾兩伸紙相視笑過仁得無慙鄰翁辱見過告我近公
紫兄子乞斗糜閉門闔帷帳坐茲興大訟三世戈相向

題七檜園唱和集

吾銀塘鄉居園臨三塘有澹如樓虹蝠臺二萬卷書樓有七檜

不知幾百年歷吾祖幾代矣園為先中丞公築先君與澁父天民知府公藝仲竹孫廣文公尚
朝知州公少岳親察公居此唱和吾少與羣流
沛然季楫廣文劔坡主簿偉奇上舍讀書其中
亦酬唱成集惜皆逸去然以
見祖德忠厚式好風流焉

七檜荒僵幾百年倚臺臨水飽風煙讀書檜下收殘葉

煮茗談詩月上天

謁末封胡羣季秀池塘草色綠春晝吟過二萬卷書樓
竹徑摻：笋將透

春蘭秋菊不同時桂子天香折幾枝摘艷探芳愛題處
紅荷花後白梅枝

玉簫

玉簫諧笑與誰春零落韋郎歎素塵天涯誰解知文字
大捨憐才竟有人

重遇王明府於海上追感金陵同游過承招待贈

之

十年久別江湖夢萬里重為汗漫游
閱徧春花紅過眼頗驚秋鬢白盈頭
月明三五傷遙夜劍倚東南看幾州
更問新詩添幾許肯來寄我卧滄洲

自題三十影像

像法流傳海外圖偶來山澤現癯儒
禮堂寫像應相覓麟閣圖形竟可無
犀頂龜文何肯相雷光汜影認眉須
他年把玩應非我散帶斜簪認故吾

汗漫舫詩集

南海先生詩集卷之二

門人新會梁啓超手寫

吾五游京邑七次上書皆旅於宣武門外米
市衚衕南海會館：別院回廊有老樹巨石
小室如舟吾名之為汗漫舫愛其幽勝與野
人之質為宜頻歲居之讀碑洗石箸藝舟雙
檝在此簿錄京師舊作皆壯歲七、八年中者
都之為汗漫舫集其出入京師便道所游作
者六附馬上書發憤放浪銷憂以記進退無
常或躍在淵之時焉歲久每佚今緝得如干

首

戊子秋夜坐晉陽寺驚聞祈年殿災今五百年

矣始議明年歸政

古佛無靈僮僕無聲先生獨坐長夜五更轉大地于
寸竅噫萬籟於碎瓊滄海飛波黑山橫帝坐炯々接
長庚鼻孔噴火滅日星羲娥纏走為之停囚獄百怪
踏萬霸天龍血戰鬼神驚神鼠蹴倒雙玉瓶金輪忽
放大光明万千世界蓮花生先生開眼但見秋蟲唧
唧佛殿燈燭青

贈盛伯熙祭酒

高帝神靈日月懸宗臣憂國對諸天挂冠神武方強
歲縣肘醫方遣莫年子政流傳封事福靈均欲賦遠
遊篇桃花明照蔚華閣金石應傳集古編

戊子吾以諸生詣闕上萬言書首請變法諸公格
不達盛公時為祭酒黃仲弼編脩與友善為介焉
先生慨然代遞遂過引愛頻館其家所居蔚華閣
藏金石萬千先生年方四十一不得於恭醇二王
遂辭官欲出遊而以宗室例不能出京三十里晚
迺以醫葯自遣不談國事庚子京破以憂卒先生
系出太祖宗室之英滿洲之士通博忠義無與比

惜乎有劉子政而不竟其用也

翰林院編脩記名御史張廷秋先生哀詞五首

平子才名久如何中道推玉棺文字累繡谷壯心衰
賈誼傷無命公明恨予才旅魂滯不反淒絕向金臺
仙骨長源秀風流北海高胸中羅雅故眼底恣人豪
憂國腸彌結遺身氣太騷淒然遺總帳蕪沒換蓬蒿
嵇康亦託嬾何點更無妻耽酒中年遣燒書物論齊
人天緣黯黯江海志栖栖慧業應消盡三生無再啼
平生論交舊知我莫如君好譽常寬假清言每側聞
十年尊酒話九日矮檠文歲算空相憶哀思動斷雲

從此西門路羊曇不復過淒涼蒲寺帳哽咽白楊歌
聞遠悲難已披帷覩若何羈愁兼感舊清淚豈辭多

題黃仲攷編脩龍女行雲圖

仲攷名紹箕萬行通學忠誠憂國方

照我上書奔走

風鬟霧鬢現天人下界騎龍轉法輪不嫁娉婷真可
惜空將雲雨泣乾坤

日射金鱗片一開仙人初出蕊宮來吸將四大海水
盡洗滌天河無寸埃

為仲攷題吳彩鸞騎虎圖

天風林外振鳴珂一嘯千峯落葉多伏虎將軍是神

女從容晞髮向陽阿

秦臺仙在吹簫暖唐韻詩成下筆難紅尾鳳皇白額
虎一般駕作駕駘看

再游宣武門東花寺題青松紅杏園 國朝二

百年名士殆題徧矣示沈乙盦刑部索和

過來名士多如鯽開落楸花去似燿此是慈恩題記
事重来繫馬一茫然

識諫垣多葦北人屠梅君侍御仁守洪右臣給

諫良品皆吾至交過從甚密侍御以忠鯁抗

疏去官欲給諫救之贈以詩

楚北諫垣多直節龍岡一老久不除海內競傳星變

疏啓超謹案光緒十年彗星見洪人間留得古文書

啓超謹案給諫翻閱百詩定讞謂東晉晚等身著作

晨鈔紙好士風流夜走車近惜梅君三黜去欲將懷

抱問三閭

過蘆溝橋望西山

連山疊翠啓皇州萬里雲嵐動素秋地落平原開

德棟天分中外作并幽渾河浩蕩連沙轉香界深巖

接漢浮蒲撼西風催落日羸驢馱我過蘆溝

潭柘梵宮精麗而山水平迤無足觀者賦此騰

朝

樓字下當作閣
露字下當作琳

人言西山潭柘美言游潭柘當清商棗林稀蒲初日
黃山石華確曲徑長路旁柿熟葉帶霜羣峰攢天飛
雲翔萬松翠擁培塿一半紅牧露夕宮墻石橋中引
通長廊毘盧樓閣妙巖莊殿前銀杏叅天蒼千載金
元閱滄桑妙樂公主跌蹟雙佞佛故事先樹房栝柏
森繞少師室病虎形容猶想望我游名山經海外岫
壑環說不可量茲山澗洞皆平迤石不峭秀泉不芳
老柘美竹死削盡惟有藍剎爭輝煌胡為都人交口
譽勞我車馬尋山荒寺僧心午憩一夢清琅玕山靈

朱衣揖我言君之持論未通方金門名士不識字偷
竊著述名譽光艸元子雲老寂寞姓字闇忽不出鄉
荒山雖無洞壑美丹泉翠嶂煥奎章延清有閣駐玉

輦至今常宿親藩王

時恭邸頻
月來游

貴人屐齒踵趾接從

無詬謗祇稱揚惟君移文騰嘲笑陳義雖高毋乃狂
敷衽再拜謝山靈豎傳愚固增恐皇但欲手移窮荒
好岩谷鏟鑿雲根來帝旁長嘯奮靈震山寺蕭

翠竹生清涼

夜宿沙河

幾年塵土長安道往昔青衫化緇素長安道號軟紅

塵冠蓋輻集衛霍門
執官飛車豪俠馬青絲
紫鞵雙關下先生塵土滿
征衣借問適從何處歸
曉起看山西陵去百里
大隄煙柳路北風忽作
捲沙飛眯人
矇目不知處沙河荒城帶
落日懸車束馬入土室
華雲淨洗流素月千里
駝鈴動蕭瑟羣臥土銜
無人語
獨立長橋倚天北
只愁明朝霜冷山石滑
馬足蹇縮人面粟

入沙河城

北路畿疆壯西山夕照黃
荒城帶秋水壞殿掩殘楊
飛控光能健無譁俗自良
柳塘看浴鴨誤記到江鄉

沙河驅車出視長城回睇平原蒼翠極目俛仰

增喟

朝宿黃花鎮暮望紫荊關太行何截薛勢若蒼龍蟠
隔絕漢與胡天作長城垠坡陀落昌平萬柳翠如屯
長原極寥廓乃識天地寬 聖武廣覆冒卵翼育兩
藩漁陽擊鼓絕民居禾黍繁仰首懷有熊俛首念金
元忼慨視大宙立馬與長歎

明陵哀

天壽百七里峰嶂聳樓閣豁扉開堂戶森聳出邱壑
岡巒儼拜伏信是帝王宅英雄隻眼巨豈假王廖擇

鬱：十三陵神奧盤松柏幽城何崔嵬佳氣葱鬱：

當其營隧時魚膏熒鐙碧玉棺藏九殿南山為石槨
宮監日進膳翠輦來獻酌荒哉政事失興廢易三恪

聖朝隆仁厚禁樵飾丹雘功德石豐碑亭：侵冢

廓寢殿儼天扃宮垣壯如昨昔者宋諸陵僧伽溺肯

虐金魚喪玉匣冬青淒霜薄廼知今代仁恩厚

不能約我來覽天關華表雙嶽：翁仲陳夾道列像

如踊躍武將劔甲猛文吏冠袍博獅虎象馬羊或伏

或立搏巨大數丈餘皆用一石鑿廿里道相望大工

河石磊落萬國陵墓壯無如長陵卓歐人多瞻望我華

色不削

明法與長城為中華古建築第一物

過昌平城望居庸關

城堞逶迤萬柳紅
西山岑端霽明虹
雲垂大野鷹盤
勢地展平原駿走風
永夜馳鈴傳塞上
極天樹影遞
閩東時平堡堠生
青草欲出軍都
弔鬼雄

由明陵出居庸

鏞弦老死不聞聲
身是漁陽戍卒營
胡婦琵琶傳大
漠并兒勒勒倚長城
帝陵千嶂秋盤馬
玉塞平沙曉
閱兵百里盤崖紅
柳路騎馳到驛
月微明

登萬里長城

秦時樓堞漢家營
匹馬高秋撫舊城
鞭石千峯上雲漢
連天萬里壓幽并
東窮碧海羣山立
西帶黃河落日明
且勿卻胡論功績
英雄造事令人驚

漢時關塞重盧龍
立馬長城第一峯
日暮長河盤大漠
天晴外部數重封
清時堡堠傳烽靜
出塞山川作勢雄
百萬控弦嗟往事
一鞭冷月踏居庸

由居庸關登長城還

澗道飛陰雪羣山亂
夕陽闔城生白草
亭堠雜垂楊立馬
千峯紫盃鷹大漠
黃時平關路迤百里
月蒼涼行居庸關
五十里兩崖聳翠壘
嶂飛青老柳巨

石雜還澗中時方深秋巖花崖樹盤曲弥望
蒼翠無盡至月出乃榮騎還襍書所見得二

律二絕句

千曲盤飛嶂連天對擘崖翠巖松倒挂錦石柳低搭
關驛緣雲上人家截嶺排并兒歌馬上澗水共潑

百盤坡埭曲蒼翠入無窮桺驛依雲表松關踏月中
峻崖紆白日疊嶂逼蒼穹迴望巖扃泉漸萬柳紅
關城盤亘萬峰過紅樹蒼崖錦石坡騎驢斜日屋庸
路寫作先生出塞歌

縱觀大漠跨明馳馬上琵琶帶怨多曾游絕塞歸來

者曾有深山與大河

秋尋碧雲寺失道夜宿田家

暮色落疲驢荒郊暝綠蕪看山迷大野失道問樵夫
去銜煙俱寂荆扉夜獨呼人生原逆旅鐙語慰窮途

碧雲寺有石塔高矗霄漢三成四阿乃印度式
刻鏤佛經像皆工絕明魏忠賢物也九秋登

塔高吟

高接躡碧霄青雲恍下浮西山來千里蒼翠橫睨收
燕齊碎塵塊海岱盪遠眸側手攀星辰北極正當頭
垣腹容德棟一點著皇州門以玉泉峯帶以渾河

流是時萬里霽薊門正清秋
抗首念神堯萬國獻
琛球校獵出長楊
鳳蓋時來游至今
舊行殿水
石鬱松楸吐彼明
熹宗童昏失遠敵
東廠假其枋
遂貽社稷憂
鞭石得茲塔百丈
成三休金輪轉
烈風高跨飛鳳樓
闌干綴瑤玉
佛像窮雕鏤
蓮華青獅座
羅漢五百周
經鑄天竺
父花鏤斧
藻旒精父與
臆理神工不可求
國步既阡危
民膏已窮搜
侈此紺宇觀
豈顧宗廟謀
壯士覽山河
長風動人愁

碧雲寺

朱祀金鋪殿七重
丹廡窈窕壓中峯
天龍神鬼圖千

相寶珞華幢隱萬松泉繞
離宮開澗壑天來經閣
散梵鐘伽藍作記傷珠塔感慨山川幾戰龍

出碧雲寺望靜宜園

羽獵長楊重上都冠山抗殿網周陸排雲但見
金銀闕著色翻疑青綠圖輦道材官朱植鬣圓城校
尉玉都虛上林望幸誰能賦竒字揚雄是腐儒

靈光寺

雪塔明初日皚皚壓翠微築池因澗壑開館入郊畿
巖岫丹為壁雲嵐翠上衣買山未成隱悵望倚郊扉

秘魔巖

余本栖霞者盧師學大丹秘魔巖下路翠袖拂雲看

山荔枝樓結海棠秋館殘

山寺有海棠數十年

遺碑披蘚讀天

寶字斑漫

卧佛寺人跡罕至古樹數十皆千年物也後為

行殿有松山僧謂乾隆二十六年有鳳栖焉

在字為樹之誤

西山百餘寺卧佛彌迦巖秋風吹飛鬣落日在塔尖

古柏夾道立千年鬱荒陳殿前娑羅樹離披盈畝陰

殿後羅松栝翠霞挺百尋壽命閱金元葆此西山岑

澗水縈其前盤陀偃屨歛九夏未清坐霜雪疑相侵

紺閣何輝煌 先帝費千金是時萬方晏 羽蓋紆

登臨祇今瞻 帳殿 輦路曲以深長廊夾廣堂方
池隔精藍冠巖抗高閣縈道竦長林木末翼方亭石
笏環圓廣長松如羽葆翠枝蟠麓琴寺僧與我言
乾隆致鳳吟豈伊 十全功帝制不再斟我儀虞舜韶
賀世鳴德音白雁作新聲清奏古至今循階撫玉砌
感望彤庭簪

西山游恭王別墅見其寫像題詩

恭王帝子天人姿長眉隆準肯相竒建甯才氣 恩
寵絕寶刀早 賜侍 龍墀咸豐季年龍蛇厄西鄰
背盟犯郊畿 天子秋為熱河狩公卿攀髯士庶隨

都邑空虛都人走塵餘夷吾作監守是時江淮盜弄

兵諸侯勤

王棄小醜地軸轉移震慘黯或疑遷都

依遼右廣平仗劍出議和坐鎮大都定山河扶立

成王負黼展婦滌黃巾甫凋戈秭今梁園雪花落願

從佛土謝軍國別墅時苗旌蓋游題墨乃存衰草作

惜哉晚節太守舊荒園落暉誰所拚龍種英多更幾

人摩挲寶劍撫遺塵平公功罪在千春

王題詩有可憐芳草成衰

草斜日荒園對落暉之句蓋失以十年怨思至矣然

晚節再出寔以守舊誤國瑜瑕難掩也 宣宗鍾愛王屢

詩成於戊子之秋其時恭忠親王正投閑天下 屢

風采為末教語殆後此補作也初宣宗鍾愛王屢

政後宰落不可自聊衰草落憚之感當在彼時及甲午表師王以物呈所歸漢起鋪政亟圖世既深願統
統保持祿位無復當年俊偉之氣矣丁酉戊戌之交
德宗銳意維新頗為王所尼常執翁相國言此每
太息蓋王之再出常熱與有力及晚節以變治之議
與常熱大不相同也戊戌三月王薨四月而定國是
始之詔下

遊湯山溫泉瞻行宮靜寄山莊

湯山峻嶽業累代營行宮樓閣鬱崔嵬衰槐間長

松渚曲凋荷花掩映蘆葦藪新蒲與老柳深秋雜黃

紅行殿引長廊敗瓦積苔茸石池注溫泉沸氣可激

衝玉輦昔行幸妃主如雲從春寒賜沐浴肌膚寫

恩醲聖主勤政事翠華闕游龍紅垣長日閑淒涼

迴天風惜不徧人閒禁火煩天工人事有遮代悵望
今古同素月大如甕光盪曠野中回首望五雲槐柏
鬱青葱

夜宿湯山行宮旁野店無可食新月方吐引

酒對之陶然大樂

朝作居庸游暮作湯山宿就食酒家胡石磴蔭茆屋
高柳低拂簷豆棚花已熟素月度河漢娟娟花若浴
野店無長物白麵與酸蒜引盃對月酌顏然醉幽獨
興酣忘旅羈高歌動鄰曲土人走相驚羣出視以目
引踵就溫泉小坐且濯足人生多苦憂此樂未易續

北首望 行殿 禁木鬱森甫仰睇躡華雲俛視愧

懷祿得意在適然豈貴絲與竹

偕陳鎮南編脩羅擇林兵部梁橙里上舍過法

源寺與寺僧清霖誦經聽橙里鼓琴生清淨

樂賦詩寫與僧

百劫精藍在深秋杖屨尋碑幢歌翠格殿閣翳蒼林

龍象驚談法香花碾入禁一龕余夙願長聽海潮音

戊子除夕設酒馔張廷秋侍御於京城西徧長

椿寺而哭之

御憶西樵捧杖時滿山紅徧杜鵑枝城南漉酒春聽

雨江上敲樓夜鬪詩論議時窮天外事聰明妙解腹
中疑傷心萬里來相見總帳朱棺豈尔知

除夕與鎮南對酌

世味由來薄似霜何堪燕市送年光經過人事成流
水無限江山付夕陽四海舊交半墟墓百年此夜幾
壺觴六街喧爆看鐙去又作京華夢一場

飲酒城南

京師新歲各省邑士夫團拜觀劇排
日命惟吾以上書台謗日從眾飲酒

聽歌
自遣

飲酒城南劍氣疎鸞飛柳老近竟如何芙蓉城主饒供
養日看羣花夜聽歌

貼地艷能萬玉聲迴環哀艷日斜明舞衣乍解依人
坐垂柳枝。總有情

浪打桃花怨暮春畫船簫管已成塵神旗縹緲傷心
處不分重逢洛浦人

香夢如絲欲化煙桃花樓閣不成眠芳心已作沾泥
絮猶觸前塵一惘然

贈張季直孝廉謫兼呈沈乙盦刑部

天池日蛙黽仁者意云何龍鳳難潛逸耕漁且隱歌
側身思俊及落日睨山河且上金臺望排雲問大羅

贈陳鎮南編修兄

太邱古長者溫德如潤玉叔度自遠量曼容善知足

優游喜淡泊澄撓莫清濁昔游禮山堂大師妙陶湫

啓超謹案朱九江先生講學處曰禮山
草堂編修蓋與先生同受學於九江也曾共執經業

飲我醕酒穆郭泰見顏子焉得不起南狂生志儻蕩

久為世所傑席帽走長安仍預文場逐三十無所成

輒坤莽翻覆許身不自量竊比稷契屬顧懷憂國念

上書忍自驚虎豹守九關無自達輦轂落拓燕市中

窮愁寄歌哭頗欲尋屠狗更自訪擊筑祢衡幾見殺

梁鴻行自獨歎君篤交舊情親不徇俗底寒依晨夕

裹飯共饘粥雖感故人惠弥增賤子惡人情日惡薄

相待視位祿津路據勢要趨謁看眉目落魄行路隅
誰肯加齒錄交游何足道甚且施骨月君得徐邈中
寒熱不增縮孤生性廓落飛遯甘隱伏久視世味薄
枯若寒山木未敢忘冥報矢言以相祝

贈龍岡先生

諫議清聲占上游真靈慧業又全收百卷遺書定不
朽七十老翁何所求勿為童烏摧壯氣若為霜隼擊
高秋似閭外有諍臣論王室卑微涕泗流

啓起謹案
此贈洪給

諫良品也殆激
勸之使言事

送張季直下第還山

帳字筆誤

此詩編定本失載

據舊鈔本補入

又舊鈔本作之章

且次序似有錯置

今以意釐訂之

舊鈔本缺一字

以下空格准此

天時日榛塞無事戀微波浮海材應取巖山事孰多
收身合屠釣回首帳山河與尔將偕隱煙波行醉歌

屠梅君侍御謝官歸索詩為別敬賦六章

啓超謹案

侍御連抗疏請輟園工又嚴劾樞臣及中官
取後更請速歸政生是筋回原衙門行走

大道久凋敝羣蠢啄其真華瑣相摩抑氣節淪不存

慷慨思所由在逸程朱藩屠公古豪傑粹德冠人倫

中和得天倪飲之温且醕學術宗紫陽近與張陸親

豈僅曰言行至誠為之根百鳥爭嚙噪一鳳竊獨尊

雲霧布杳冥雷聲動地垠吁嗟道不喪任之有斯人

其二

四方際無事宸居沙豫游三山脩舊苑長廊閒危樓
聖母經艱虞晚節怡林丘下臣豈不諒顧懷抱薪
憂削牘數千言痛切涕泗流下言夷鑿^禍士^上為國本無
謀哀彌述先帝碧血灑松楸閭闔為動容土木輟
不脩至誠動天地孰謂直不收臺諫久寂寞一鷄擊
高秋巧宦雖見容寒蟬良足羞

其三

虹霓蔽白日太微亂天經北斗縮樞衡金鏡蕩其名
王母宴瑤池惻愴白玉京天龍多修羅狎猶窺太清
僊官三萬籍斂手空屏營香案有下吏學道受血誠

綠章夜上奏欲整三垣星華蓋接白陳耿
露光精徐見貶謫仍許遊赤城雖插塵寰脚氣象震百靈
多謝紫皇恩猶作鈞天聽

其四

君國骨肉際盈廷莫開口奏劄瘡剗切忠誠肝肺剖
曠讀先正集國朝未之有惜哉未見行太平遂勿
狗耕季何多求聖明顧已厚

其五

南海有黃鵠毛羽初未成若懷四海志撫翮入杳冥
阿閣有鸞鷟歸昌吐英聲延頸思羣匹比翼得歡情

冲天振羽翰長唳萬人驚九霄鸞鍛翼黃鶴欲從征
巢枝雖難同願言相和鳴

其六

儒者立人朝從古未見久開門坐誦德此道尚或有
况時宣師傳人才日廢朽雜學與夷學視儒若芻狗
公為紫陽嗣正宜繼絕紐趙汝入關中康在隱江右
遂開元明學一代開治否聞公往潼關又或謁曲阜
華陰節義重厯下聖澤厚士氣皆勇極良大義易導牖
煌：遺書在但須在堅守或者得數子斯道已有後
學案曾商定此是儒林藪議論有異同願以示下走

此詩編定本未載
據舊鈔本補入
於此次章本同一
詩未知孰為改
本耳並存之

公其愛玉體耕道若農耦會命千里駕就聽師子吼

移居汗漫舫

數月京華卧幽棲似故山鳥聲常在樹石勢獨當關
洗竹為奴課看花帶客還日斜烹苦薺天許幾時閑

上書不達謠讒高張沉乙盃黃仲弢皆勸勿談

國事乃御埽汗漫舫以金石碑版自娛著廣

藝舟雙檝成浩然有歸志

上書驚閣下閑戶隱城南洗石為僮課攤碑與客譚
著書銷日月憂國自江潭日步回廊曲應從面壁參

論書絕句十五首

色慎伯有論書絕句今廣其
意擇人間罕備者茲以之

編定本未載據
舊鈔本補入

隸楷誰能溯濫泉句容片石獨復然若從變處搜靈

廟應識崑崙在震遷句容有吳葛府君碑額為正書

真隸楷之鼻祖靈廟碑在隸占楷之變之間意狀奇古若漢初變之始言之則揚震張遷二碑寔開隸楷

之意矣

受禪應為衛凱書邯鄲章誕比何如權恒世受真傳

灋一脈踰河走傳車受禪碑類真卿以為鍾繇劉禹錫徐浩以為梁鶴今法其同時

人開人年準衛敬侯碑文定為衛凱書觀與邯鄲灋並以古文名子孫恒世傳筆法恒傳崔悅至宏浩

為北書之宗又傳江瓊正式故北書亦衛派也

元常法乳知誰在珍重豐碑有枳陽文質踳跚開石

關始知晉灋有傳方

晉枳陽府君碑云厚茂密在文質之間今傳元常諸帖字體

有其意真元常嫡嗣也太祖文皇帝神道稍加姿美然亦魏晉正傳善學者當能會之

鐵石縱橫體勢奇相斯筆法孰傳之漢經以後音塵

絕惟有龍顏第一碑

宋傑龍顏碑渾厚生動兼茂為正書第一昔人稱

李斯篆畫若鐵石體若飛動可以形容之

餐霞神采絕人煙古今誰可稱書仙石門崖下摩遺

碣跨鶴驂鸞欲上天

石門銘體態飛逸不食人間烟火書中之仙品也

琅邪茂密集書成郝閣褒斜章灋精能或熹平變隸

匾僅傳古法彥雲銘

秦斯瑯琊石刻茂密極矣漢隸惟郝閣有此意褒斜異體而同

意熹平以後隸法大變今括出焉惟鞠免雲墓志獨有郝閣之法

褒斜分灋知誰繼瘦硬應推弔比干風蕩齊碑成一

律脩羅雄峻獨為難弔比干文瘦硬無匹出於褒斜

無雄峻秀韻之味惟

鍾利森：耀戟鉞始興碑法變鍾傳率更後出書名

擅誰識先師貝義淵率更書有武庫劍戟森之氣

其峻峭處近之其是信今南人南碑中貝義淵所書

始與王碑与淳更皇甫君碑無二乃知率更所從出

然南碑無不圓渾者
肯適血瑩態豐穠懷令青：秀一峯變化方負畫奇

麗光芒鱗甲若游龍懷令李超慕志肯血奇峻結撰

猛龍皆為結體
無上上品也

子建遺碑獨擅場衛家體質貴雄強大刀斫陳稱無

敵沉著偏兼痛快長

昔人稱中郎骨勢洞達後世惟曹子建碑有之雖體雜篆隸致

請百袖衣然沈著痛快中有渾穆氣象是般若正傳也其開爽則啓唐人矣

異態新姿雜筆端行間妙理合為難誰人解作蘭亭

意君起浮圖仔細看

唐馬君起浮圖記字裏行間姿態百出詭製妙理變化一新而

不失六胡法度猛龍之後未多見鍾司徒意外以妙絕倫多奇於此有焉

魯公端合辦香薰茂密雄強合眾芬章灋已傳郝閣

頌更開草隸裴將軍

魯公書舉世稱之罕知其佳處其章法筆法全從郝閣出若裴

將軍詩健舉沈追以隸筆作之真可謂之草隸矣

南宮書評妙難量趾擲偏兼對越莊靈慶池邊遺石

在神鋒峻立獨迴翔車從書靈慶池碑體枯不出唐

永若對越俊若跳擲之長且筆畫完好深可寶愛

山谷行書與篆通蘭亭神理蕩飛紅層臺緩步脩二

遠高謝風塵屬此翁宋人書以山谷為軍變化無端

出於鶴銘而加新理則以篆筆為之吾目之曰行篆以配顏楊焉

歐體盛行無魏瀆隋人變古有唐風千年皖楚分張

鄧下筆蒼茫吐白虹自隨碑始變疎朗率更專講結

出獨鑄篆隸治六朝而作書近人張廉仰起而繼之用力尤深魚陶古今渾灑泐古直接晉魏之傳不復

潮唐人何有宋明九為書法中與矣

苦蚊行

吾生多園居雅性愛水木
竭來居宣南高坐饒槐竹
林薄既森翳叢蔓並爭育
蚊虻浩輻湊藂漭漭滿耳目
大者如蒼蠅虎飛食人肉
嗟此翹椅桐臺閣交蔭矚
祇許白鳳皇飛鳴據其足
么磨尔何物乃亦此巢宿
擔當聚火赫埽除命僮僕
穢草皆捐滌絕汝憑藉屬
大扇搖清風卧簟書可讀

出都留別諸公

吾以諸生上書請變法開國未有羣疑文集乃行

驚波言鈔本作飛波
滄海驚波百恠橫
唐衢痛哭萬人驚
高峯突出諸山妒
上帝無言百鬼猶
豈有漢廷思賈誼
拚教江夏殺彌衡
陸沈預為中原歎
他日應思魯二生

預為舊鈔本作忽望

天龍作騎萬霧從獨立飛來縹緲峯懷抱芳馨蘭一
握縱橫宙合霧千重眼中戰國成爭鹿海內人才孰
卧龍撫劍長號歸去也千山風雨嘯青鋒

表海神旗啓大都西山王氣未榛蕪百年感愴伊川

髮萬里蒼茫屬國圖原廟幽靈呵彷彿鈞天廣樂聽
模糊無端又作觚稜夢醒視扁舟落五湖

兩載京華久滯留無終從此老田疇安排行集成千
卷料理芒屨出九州天下英雄輸問舍地中山海徧
登樓只愁莽莽乾坤大無處滄浪著釣舟

一曲蒼茫奏水仙霧飛鬼嘯一千年木公虛擁扶桑

日金母高居紫燄天雲雨不興龍似睡波濤暗涌鱷
流涎祇今東海靈鼉吼哀怨如聞廿五絃

去國吟

平生浪有回天志今日真成去國吟回首五雲宮闕
迴柴車惻惻愴余心

此去東山與西山白石齒松柏頑或勸蹈海未忍
去且歌惜擔畱人間

東山白雲日夜飛西樵山下柘桑肥百畝耕花花埭
宅先生歸去未應非

啓超謹案花埭在廣州城外珠江之南即所謂素馨斜也先生

有宅在焉

古今碑刻三千紙行裝綑大如牛腰澹如樓中七檣
下攤碑淪茗且聽潮

出都夜餞有二伶撥琵琶促柱哀音遂有白傅

青衫之感明朝行

銀燭灺三夜五更鳳城秋夢未分明不堪酒渴微雲
後一曲琵琶帶別聲

上海徐園留題

蕭風撼雨墨模糊強病重游秋氣蘇去國情懷存寶
劍尋花心事落當壚過橋鷺鴨頻相惱登閣棠梨暫
借扶碧海消三通是處墜紅消息豈真無

西湖謁岳武穆祠墓

後殿有岳王夫婦像諸子配焉祠後有秦檜跪像

西湖秋水綠沄：散入棲霞日又曛北狩哀：念車

駕南枝鬱：慘風雲空階鏡像生青蘚舊史金陀寫

碧文一樹冬青淒絕後枉將冤獄結紛：

西湖雜詠

蘇隄萬柳鎖靡蕪穿荻漁舟或有無湖光山色涵幽

綠誰解尋幽領裏湖

翠蓋紅裳蕩碧漪平湖亭榭到蘇祠他年丹訂西湖

約記取荷花大放時

僵屋萬木少人經絕愛東岡放鶴亭積雨磴陰填落

編定本失載據舊鈔本補入

葉夕陽柳下繫游舫

百畝荷花占十洲
裏湖深處結紅樓
琉璃世界饒消受
更傍蘇堤擢小舟

風篁嶺龍井寺

秋風來問風篁嶺
二老遺踪不可尋
野竹半生池館廢
只餘龍井一泓深

佛堂新築半寮初
病廢殘僧亦獨居
茗罷切餘空歎息
辨才當日果何如

韜光寺

深：萬竹一峯圓
磴道盤青欲上天
空翠濕衣山雨

合身行雲霧作飛僊

天竺寺

萬山深碧裏天竺數重迴
落木秋峯見分香山市開
淒涼寶掌寺零落客兒臺
只有鐘聲咽三生又再來

謁于忠肅公祠

華夷漸無界社稷賴斯人
慘獄同鵬舉公才過太真
秋山落桑柘湖水潔蘩蘋
冒雨求祠墓莊嚴拜大神

祠像傳大逾
夫望之濊然

西湖經亂後前賢祠館多
廢中興諸將祠宇如
雲左蔣二公故應俎豆吾
家中丞公平浙之

功不少不得配享其閒劉典冒功儼然崇祠
矣

淞水當年平寇盜中興諸將占湖山吾家不少兜鍪
力但覺劉公頗厚顏

歸過蘇隄登橋望西湖綠波邈然明日行矣低
徊久之

蘇隄柳色雨模糊十里明漪浸綠蕪怡悵明朝蕩舟
去晚煙橋上望西湖

自杭入蘇

淞涿菰蒲秋水生扁舟載酒數郵程不堪去國懷鄉

客夜：孤篷聽雨聲

過石城

苔雲百里路肥桑與大柳菰蒲夾一川大舸鳴柁走
時：見飛檣卧波鼉左右城廬何盤：苔莓封之厚
沿溪繞曲：帆樯在前後云此是石城小邑萬家有
淫霖已兩月禾稻芽已朽縣市米驟騰民飢何以救
斯誠有司憂羈客甯獨否夜雨打孤舟愁絕不得酒
一燈照寒江擁被傷懷久

夜泊石城忽思今日已十月朔矣感懷無已

冷雨終宵打草篷石城小泊夜聞鐘南來北去成何

事屈指今朝已孟冬

漫游蘇州名園多廢只餘宋蘇子美滄浪亭元
倪雲林獅子林其虎丘靈巖莫不零落惟明
拙政園尚無恙身不勝閱劫之感

滄浪亭外荷花夢師子林中石洞深誰記名園紅劫
後徘徊拙政感余心

真孃墓側桃花落短簿祠中香火繁一舸鬧紅出閶
闔淒涼秋草虎丘山

游廬山宿海會寺贈老僧至善蓋廬山經亂九
十九寺盡燬至善苦行結茅於此遂成大藪

隱舊鈔本在懋財

編官本失載據廣
執舟長捐補入

林今年八十矣

開士誅茆五老峯手植匡山萬壑松蕩雲盡吸明湖

水招月來聽海會鐘初地雨花馴白鹿陰崖石氣隱

蒼龍讀書頭白歸來晚桂樹幽三千萬重

寺下為白鹿洞及李

白讀書堂

廬山謠

紫漢吹落青芙蓉隨風飄墮江之東
瓣開四面花玲瓏

化作碧玉千百峯倒影翻湖黛色濃
突兀萬丈絢

青紅層巒重阜築為宮五老拄杖碧雲中
子孫諸峯

咸侍從爾來一萬四千歲白頭昂首嘯鴻濛
我來經

喪亂九十九寺皆在熱劫中瀑泉又已枯秀色減昌
丰惟有重崖與疊嶂蒼翠合匝轉無窮陶謝妙述作
幽人不可逢長卧龍潭石醉欲騎蒼龍青鸞未能馭
白鹿已無蹤夜投東林訪遠公殿宇彫剝瓦礫封誠
懸北海殘碑在古佛露坐似慙居尊無寸功長蘿蓋
山林蒙茸天黑虎嘯蕩驚風萬籟笙竽瀉青松埴鈴
夜語不聞鐘宵深月出山徑白虎溪之水鳴潺淙似
聞山鬼說瀟談空

廬山望湖

廬山四面壁山開十里陂田溪水回若使開湖多種

柳西冷何獨擅樓臺

謁白鹿洞紫陽書院二首

凌曉發海會朝曦屈白鹿曾厓紆磴道重阜翦古木
對嶂夾青松澗水瀉深綠岫合露飛橋壁開出重屋
丹閣冠崇岡赭壁壓中麓紫陽啓精廬弦歌遺芳躅
緣溪掇青蕙登堂撫翠竹菁莪有遺賦斂纓可循讀
宋室喟南渡儒風轉敷暢江右爭朱陸晦菴寔太上
煌煌遺規在吾道有蘄嚮芳沫邈千祀英聲播九壤
我來謁松柏掬泉薦菊釀循墻視黌舍問俗觀禮讓
洗衿纓子兔園挾花樣文學止舉業殿堂羅甕盎

此章不見舊鈔
本編定本則標
題為渴白底洞
味子海堂而失
載前二章案此
與前二似非一時
所作而語意閒
有相龍表亦或以
為改定本而謹
兩存之

章句猶未知况辨義利尚荒哉晦翁統無後誰能諒
安得大雅才發矇一昭曠小生獨對亭臨風浩怡悵

再題

澗曲松風長峰回洞門闕山捨七八重泉繞堂階地
山水幽以深橫舍清而麗書院闕千年創自李唐季
歐人矜古校最古無我逮紫陽光大之象山來倚袂
誦學流美談一言辨義利漢宋有晦翁集成學為至
理氣窮太極治行高揭厲心性擇精微訓詁新義例
餘事事詩文旁及參同契滂博無不該精麤無所滯
居敬以窮理中正豈有弊大學與中庸純粹有次第

孟子配論語洙泗心傳繼五經失微言四書發大義
八百年學風無出新安制寔為新教主後聖範一世
大鑿易佛法路得改耶系三子大力人鰲負搖地勢

啓超謹案先生常言孔子之教義在六經六經微言
口說相授西京諸師尚傳一二東漢以後失墜矣
朱子求諸六經而無所得乃獨尊論語而傳益之以
戴記中之大學中庸及孟子說曰四書此特明一義
非孔教之舊如佛教之有六祖慧能所教之有馬丁
路得矣然六朝唐以來學絕道喪朱子出而能以其
所學範圍八百年之人心雖所明大道雖未闡太平
者僅孔學之一體然功亦不偉矣

灋尚蔽此乃劉歆罪難為考亭喟洗走胄子俎豆
捧堂陸惜僅習八股學業陋以廢殿庭羅甕盎鹽醬
陳瑣細吁嗟此名校一旦至此穢學問皆掃盡良由

求富貴中華號文明媿觀汗流袂有司豈無罪振興
誰為替應開大學校心物羅根蒂西江後英起道術
猶有繫

棲賢寺

李生讀書處松柏滿山麓澗道石齒：飛泉冷可掬
栖賢得梵宇金輪青漢矗及茲經喪亂敗垣倚灌木
天主闢教宗來此縱熱毒佛法雖有劫豈不動振觸
羅漢披古圖境靜氣良穆五老時回頭多情似眷屬
何日圓山還枕流期對宿

宿歸宗寺

匡廬四大刹各擅幽勝處棲賢與秀峯石泉窮竅奧
澗流作深碧交樹不可渡亂山漸合沓蒼翠紆無路
嶺開見歸宗昭曠豁雲霧高標跨金輪寶塔疑神造
倒影入南海長風灑印度精宇漸增脩梵唄搖天暮
一飽苾芻厨山藪亦可茹我佛龔金篋人天作尊護
達哉眞体僧共參玉版悟我最愛趙州竒特發妙趣
此心如頑石八地若可住願懷清淨理宗風亦不誤
曉發問蓮社遠公應我顧

通遠驛

迢迢羣山曲崖開又有村人稀山市冷地僻驛官尊

高柳低溪碧頽碑導路存夕陽亂峯外合沓轉平原

東林驛

夜投東林宿古寺已廢圯居人十數家願言借榻止
云此有驛館可以憩行李往來輜車使駐節皆在此
聞言起蕭栗獵纓轉歡喜仰首瞻椽桷飛瓦迺頽矣
屋矮限尋丈垣破補荆杞入門左右顧竈突雜筐筥
土壁置繩床積草厚為底蛛絲網四壁虵蟲上長几
地窪榻忽傾案歎杯乍毀深夜撲蝠蝶引隊出鼯鼠
巡廊且入室糞土卧雞豕前觸碓磨頭後礙耒犁尾
呼僮翦燭施執帚躬除理敷席吐々呼擁衾吁々起

列字筆誤作引

管者豐盛世驛舍皆經紀庖酒亦精潔池館且羅綺
閑閣杳崇深什器有雕靡物力既豐碩官司能脩治
今此當孔道館室大殊矣匪敢告司存聊用備游紀

九江贈曹朗川太守丈

江州古雄郡湖山控襟帶大舸咸走集長江扼形勢
丈人來剖符清風灑蘭蕙大綱持安靜獄市自無弊
境俗崇朴讓士學知雅製滋彼桃李繁茂此桑麻墜
中朝惜才賢良用歎淹滯顧覽江山勝盧阜枕嶽端
煙水饒空濛雲霞藹鬱蔽南樓緬高興湓浦縱遙睇
漆園庶止足山陽久傷逝雖歎華顛雪勿溼青衫涕

卧作東陽治會存桐鄉祭

過彭澤

彭澤之縣臨江隈環山三面作壁壘窪深如臼浮如
盃城堞緣山薄雲表蜿蜒如蛇曲折繞疊嶂崩崖犇
水峭扼茲天壑為地沼吁今時平靜堡烽沙洲十里
垂柳紅小邑不及萬家室樸讓猶有陶令風緬想元
亮種秫地遺愛及今走兒童此去柴桑塵百里解帶
束裝易為理想見晉宋時選吏擇近地方今移官千
里外就道弥月如編置言語不通俗尚殊客入主家
難為治過此懷古浩長歎不如歸去躬耕誠有味

感起謹案以上為戊子已丑兩年之作中聞庚寅迄癸巳作別入萬木草堂詩集此下則甲午乙未作也

十一月三日曉霧冥濛輪舟將至大通不行

漫：天大霧江雨散空明煙樹都同色波濤但有聲
雲開辨洲渚天黯失江城波踞愁空闊飛舸不敢行

登黃鶴樓

浪流滾：大江東鶴去樓燒礮已空玉峽雨雲捲朝
暮漢陽煙樹帶青紅萬家樓閣隨波遠百戰山川扼
勢雄極目暮天帆應亂中原萬里對西風

京師晉陽寺下車湯之陳蘭持庶常黃湜生孝

廉為各裹藥賦謝

康子下車傷其足之夜投蕭寺求一宿扶墉跛躄行不

得顏臥匡床如枯木樂正幽憂病有色漢高捫趾錯云
腹提婆達多與我有宿業瞿曇高座難免酷黃生跋報
為裏藥簡持磨丸如削玉詰曉步履可歸來嗟我故人
情誼萬天下璧者有萬千安得君等勤一起枯漏我有
藥丸服之可以為神仙願謝公等至長年

秋心五首

峯巒無數著樓臺老木荒僵春氣回夜讀道書晨叩齒
秋心忽見萬紅開
神女流雲不可招舊時月色落寒潮無端誤入華髮會

一樹紅蕖倚碧筩

開落紅棉一夢中
酒醒昨夜又東風
十年白上蕭郎鬢
不分桃花新舊紅

中天縹緲化人臺
百萬蓮花瓔珞開
我是吞針老羅什
夢中一醉碧霞杯

吹劍可曾聞一吹
散花誰更辨雌雄
神僊上界頻相問
手鞚青鸞夜御風

示任甫

神鬼天龍日夜圍
時時說灑萬花飛
金輪千轉相不動
紫府鐙光寶燄微

華嚴國土時時見
大地光明無語言
只是衆生同一氣

以下四首諸本皆
失載據所記誦
者補入

要將悲憫塞乾坤

示鴉博

鯤鵬變化且隨風
出入千重雲水中
行到光音應少駐
鏗鏘天樂海雲紅

萬花飛舞妙音天
大醉騎龍過日邊
未解吞鍼盡一針
還應面壁度千年

示任父孺博及曾重伯翰林

三千劫裏橫金翅
二六時中看白牛
終日散花忘結習
諸天聞樂少淹留
脫將纓絡親貧子
故入泥犁救重囚
丈室百千師子座
全身偶現不須收

此詩諸本皆失載
據所記誦者補入

此十首編字本失
載據舊鈔本補

入

按此十章為吾

友簡朝亮竹居

作誤抄在此竹

居博學高行

為大儒詩入

吾集二佳證也

有為記

為某僧書扇

浩風無量劫所應知幾舍三十有二相現示隨變化偶
披垢膩衣來稅人閒駕說盡千萬偈漆鐙明暗夜

甲午十月紀事

何物蜻蜓國東藩為乞師千年来享禮六月出征詩
天子聞斯怒將軍在不遵箕封如左腋洪範曷稽疑
古有先聲奪當機折使符容形難外寇兵法出中樞鶴
唳風千里鯨吞海一隅豈知初露布誰使我軍孤
敢作軍書閒波臣竟失渠諸酋觀鉅鹿失計漏多魚鱗
乏三千銳猶資百萬儲肉烹河足食况忍縱奸胥

安得宣公草龍章寫德音饗軍忘自燕誅賊絕相侵鼓

舞雄師力光明 壽母心高文無憊語萬國舉威臨

試采中原菜盈筐物色繇三科翻盜化十路得賢尊田

父覘東郭他人管北門匈奴能斷否慎勿誤烏孫啓起謹案

當時兩江總督張之洞建議割東三省與俄割西藏與英賂使助我拒日而盈廷聯俄說尤盛總署與俄使已

有成言故此章及之

不沒乾坤氣人間死士頭且亡存可與雖樸巧無倖昔

戰三元里今聞五大洲邊才思李牧軍市日推牛

冀北先天下神京古帝王留侯成議遠同甫上書狂國

勢無常險人才有莫彊哲謨光四表廟勝大當陽

未有驚風雨雞
鳴不可聞

國事如今日終籌一戰安瀛環憂海市星變戒天宮往
代秦奸著當時宋幣殫傷心南渡後楓葉大江寒
精衛空填海河年此意消仰天民用困遷地國工驕漢
吏良應共唐兵府自饒記曾無粟患流賊不終朝

□□驚風雨□□□□寸丹聊盡我一飯敢忘君海
暗樓中氣山高馬上雲長譎憂樂意竊媿范希文

不新題張樵野尚書三洲游記

波濤大瀛海拔劍閭狂瀾鱗介歸王會冠裳觀漢官乘
槎游浩蕩運甓濟艱難州國圖能畫感是取次看

登第釋褐謁辟雍釋奠文廟摩抄石鼓門外進

士題名碑千百乙未新題名碑已立

黃瓦崔嵬古柏森辟雖鐘鼓聽愒宮墉瞻望撫衣拜
圖寫陳經演孔心

石碑數百泐題名進士庶今元与明若問中華大掌故
此為閱劫千佛經

石鼓摩挲有十存深簷覆蓋置楹門中華古物銷磨盡
寶護應同日月尊

東事戰敗聯十八省舉人三千人上書次日美使
田貝索稿為人傳鈔刻徧天下題曰公車上書
記是時主和者為軍機大臣孫毓汶眾怒甚孫

畏不朝遂辭位

海東龍泣艦沈波上相輜軒出議和遼臺撫割山河
抗章伏關公車多連名三千轂相摩聯軫五里塞卷過
臺人號泣秦檜歌九城謠諜徧網羅扛棺摩拳擊鼓三
槌檜避不朝辭位畏訶美使田貝驚士氣則那索稿傳
鈔天下墨爭磨嗚呼椎秦不成奈若何

為徐計甫編脩寫扇兼呈高理臣給諫變曾王佑

樹對水邀待御鵬運

計甫名受廉清潔好學
性蚤死不竟其才志

萬生本天地一家同越秦奏刀傷小指痛楚徹全身繞
線通微電萬里語相親大地為一體萬物同一輪大雪

壓城闔重裘凍不溫氣脈本相連鴻溝苦難分四海雖
汗湧先由方寸春民生多憂患志士多苦辛登高望燕
樹飲水識河源高樓隔楊柳流鶯鬧比鄰願為明月光
照徧窮簷人

順德二直歌

美兵部主事何藻翔禮部主事羅鳳
華聯名抗疏劾軍機大臣孫毓汶主

和議也

諫草之堂河魏三百年來過者頭皆低順德之館何
鬱鬱中有樹山人不識分宜不過佞臣可不斬國事無
損益豈如賣國賊不斬割地無終極朱雲已矣孔融死
誰歟請劾中憤抑吐裁兵部何藻翔華嶽峯尖金晶光

巖雷爛：夜騰霜抗疏斬奸劍吐銜同志禮曹羅鳳華
 義填胸臆照虹霞皂雕蒼鷹比翼出遊逐無禮憤氣加
 首請遷都定國是次請拒日絕使槎末請斬佞論鞿韉
 存亡繫此誰開身事雖不成壯人氣蹴踏雷電飛風沙
 昔河維柏劾嚴嵩萬眾拈香羣歎嗟今者生見胡邦衡
 對面不識或揄揶作詩告凡百君子不式順德之南館
 焚香楫山遺宅河為耶啓超謹案此事主之者實為何
 君：字秘高又字某士志行芳
 二十年来朝士罕見其比自孫毓汶常國後黷貨之風
 驟長國事敗壞實由於此甲午難作朝野咸集矢台肥
 而毓汶方炙手可熱莫之敢指君
 此疏實輿論之導故先生美之

割臺行成後與陳次亮郎中熾沈乙盦刑部曾植

丁耕衡編脩立鈞王幼霞侍御鵬運表慰庭觀
察世凱沈子封編脩曾桐文道希學士廷式張
巽之編脩孝謙徐菊人編脩世昌張君立刑部
權揚村嶠中書銳同開強學會於京師以為政
黨嗚矢士夫雲從御史褚成博與大學士徐桐
惡而議劾有夜走告勸解散者是時表徐先出
天津練兵同志夜餞觀劇適演十二金牌台還
岳武穆事舉座咸歎歎李玉坡大理至泣下即
席賦此呈諸公未幾余亦告歸留門人梁啟超

任之

山河已割國搶攘憂國諸公欲自強復社東林開大會

甘陵北部預飛章鴻飛冥：天將黑龍戰沈：血又黃

一曲歎歎揮涕別金牌呂岳最堪傷

南還與張孝遠贊部黃漱蘭侍郎及

其子仲攷編脩梁星海太常黃公度觀察再開強學會海內士夫若層梅君侍御陳伯潛閣學顧漁溪通政先

生咸應烏卒被御史楊崇伊所劾而封禁村記於此

游西湖館錢塘縣吳季清明府德瀟署經旬季清

神識清妙深悟大證哲子鐵樵中道奄逝行時

索詩賦此

五濁世界中我曾八千返與君善世曾握手知幾轉億

劫舊相識神交亦良遠熏香浸肌骨擔我大悲願黔首

同肺腑忍視啼哀怨人王与帝釋馬牛與雞犬化人萬
千身無宅亦無戀總以悲関心了我救度个

君從睽摩天來領蓮花界偶現宰官身蒼生知所頼个
以聞思根現此同一刹簿領豈拘檢神往靈鷲會或游
香積中或往阿閼外或去渴悲華或見得大勢忽上中
天臺不離人間世子孫亦蒼生來去安無滯况魂無不
之又已證大慧与我轉金輪更駕聯雲袂垢衣不須脫
漆室亦不閉蒼二抱明月金燈永夜繼

萬木草堂詩集

南海先生詩集卷之三

門人新會梁啟超手寫

吾授徒於粵城所居曰萬木草堂自憂國上書
首請變法事既奇創不達而歸絕意時事以講
學著書自娛及所著新學偽經考被劾先遭焚
書避地而游於羅浮桂林又再誦學於桂門人
每進焉自庚寅至丁酉八年間隱居粵中及游
桂之作都為萬木草堂詩集所作既少散佚尤
甚此集與都中之作同在壯年一歲中每相出
入但以地別以記行藏志事之殊焉凡得七十

八首

自都歸鄉黃季度別駕以詩慰問奉次原韵
上書痛哭歎中原豈意窮山卻埽門已淨萬緣隨念盡
更無一法與人言講堂漫有青紗帳春信偏知黃葉村
時事近來都絕口只將風月共君論

先祖連州府君卜居象岡號象台鄉前對靈洲山
峙江流中喬木深翳山有寶陀寺東坡嘗題詩
焉吾歲省墓必到此時方重脩而老僧死矣

歲：金山寺扁舟一度來老僧圓塔出初地寶幢開花
雨聞天樂江湖帶晚雷人天無限意獨立妙高臺

故太子少保工部尚書前軍機大臣潘文勤公挽

詞三首

弱國思才相中朝失俊人道消明月墜運極大星淪世

業承平車公才邁庾叟張華弼博物未得展經綸

侘傺無聊意高官等布衣士皆傷不遇公豈忍言歸供

奉文空老經惟見六稀祇餘萬藝鼎金石散光輝

憶昨秋風起叢書送我行豈聞知貢舉下逮一諸生好

士如文舉憐才愧長卿孤寒齊下淚豈獨故人情

先是京兆

試畢吾以八月十七日出京時公為監臨先於八月十六日以前刻功順堂燕書贈行公事至款而能不忘一

士誠可感也

門人陳千秋曹泰梁啟超韓文舉徐勤梁朝杰陳
和澤林奎王覺任麥孟華初來草堂問學示諸
子

聖統已為劉秀篡政家並受李斯殃大同道隱禮經在
未濟占成易說亡良史莫如兩司馬傳經只有一公羊
羣龍无首誰知吉自有軋元大統長

示門人陳千秋隨生曹泰著偉潘恭鑑鏡涵三子
者皆學道勇猛證澈生死者兼示韓雲臺

相輪示現歷萬劫世界往來經八千偶入銀雲光大地
更騎金翅過諸天陶輪一擲何嘗動巢睫三飛自相然

七日裝成千萬劫
水流花放不知年

送門人梁盛超任甫入京

道入天人際
江門風月存
小心結豪俊
內熱救黎元
憂國吾其已
乘雲世易尊
賈生正年少
詆蕩上天門

登臺惟見日
握髮似非人
高立金輪頂
飛行銀漢濱
午時伏龍虎
永夜視星辰
碧海如聞淺
乘槎欲問津

悲憫心難已
蒼生疾苦多
天人應上策
卻曲怕聞歌
冰雪胎終古
雲雷起大河
繫辭終未濟
吾道竟如何

門人陳千秋
禮吉德慧才
博窮理知命
卓然任道
寫付之並書
團扇寄梁任
甫曹著偉徐
君勉

人與天通有父有宗孔子主仁注心大同養我神明救
我泯蒙推極識界諸天無窮區。大地豈有西東先愛
同類無忘族邦

禮吉二十六歲短命死矣德業為門人冠著偉才

學文思竒奧二十四歲死追思為慟

龍姿鳳逸竟誰同傳道吾云易已東從古竒才多短命
叢蘭早敗慘秋風

右陳千秋禮吉

深思好學似揚雄奧字竒文誰與通若為創教思明勝
訪道羅浮歎落紅

古曹泰著傳

啓超謹案禮吉著傳皆南海人萬本草堂之龍象也
先生請學數年門人日進授業苦不徧逮而兩君寔
為都講答問析疑志當師說草堂後進受其裁成者
過半禮吉又字通父晚更自號隨生幼治戴段二王
之學年十一著廣經傳釋詞往：匡高郵所不逮尤
請熟應朝掌故善為駢散體文以及詩詞靡所不工
與余共居粵秀山中兩年余治考據典章之學皆君
為其導師及南海先生以上書蒙謗世人欲殺君首
造謂相與往復辨難如心齋之於陽明烏既大感服
乃北面執弟子禮且請先生設講堂萬本草堂之創
立寔自君也是時君聲譽藉甚老宿見者輒傾倒既
及先生之門則盡棄其舊所治者而從事於宋明義
理之學且日據慨言當世之務從輩共說笑之而君
德業益進先生著大同書其條理志與君商推其它
門弟子莫能與也嘗小試其經世之學於一鄉所居
西樵鄉二十餘萬人賭盜極熾君以諸生攝鄉局事
一年餘志禁絕之又手勸學校及歲書樓用新法以
辦保甲即今之警察也初受事謗怨山積未期年而

頌聲作而君亦以此積勞逝至今鄉人思其德猶祠
其主於局云君之初任鄉事也余屢以牛刀割雞止
之勸其留身以效於國君謂事無大小法無揀擇昔
人所謂免舜事業不過太空中半點浮雲如曰鄉事
小也則國事甯得曰非小吾惟隨現以行吾心所安
而已因自號曰隨生余二十年来幾盡交海内名士
求其學問文章道德才氣能如君者蓋未之見也著
傳少而喜騁奇眇之思為瑰瑋俶詭之文每所著述
奇奧至不可句讀而所陳義六罔不驚流俗蓋忠施
公孫龍之流也既受業於萬木草堂則皈依佛法苦
行深造既乃欲研究密宗聞羅浮有異僧往訪之遇
病而卒兩君之才皆不可一世而性各有所近陳君
尊實踐而曹君富理想故交雖極萬而議論注之不
相容又各皆辯才無礙每休暇輒相與論學於講堂
主客往復累百十次同學百數十輩圍繞靜聽莫能
贊一辭陳每發一義聽者以為曹必莫能難及曹之
答則又以為陳必莫能難也而兩君之言卒未或窮
故同學中受益於兩君者不可數量啓超則交兩君
最蚤而獲輔仁之賜最多者
也同略述其行誼以寫余哀

勉學者

大地飛來偶現身中原靈氣日華新天心民命講堂在
擔拯瘡痍救我人

屬刻同門功課簿繫詩四首

萬木森森散萬花垂珠連璧照紅霞好將遺寶同珍護

勿任摧殘委瓦沙

秋實春華各自賢幾年傷逝化風煙偶登羣玉山頭望

百萬珠璣總可憐

萬木森森萬玉鳴隻鱗片羽萬人驚更將散布人間世

化身萬億發光明

四詩編定今失載
據舊鈔今補入其
第一首与第四首語
意重複當自一為
未定稿姑而存之

斷壁零珠照絳霞
妙香散落委塵沙
東風好與勤呵護

頃刻顛開千萬花

感起謹案草堂同學讀書日有剗記名曰功課簿率
經先生批點者也先生於丁酉秋冬間命同學輯印
之作此四詩同人旋將後年所記彙集存置草堂之
書藏中未及編定而成成之難作書藏所儲悉付一
炬塵沙散落竟成語讖它尚不足惜而陳曹二
君遺著遂不能以一字傳於後斯最痛心也

游羅浮

羅浮雲氣接蓬萊
紫霞照耀方丈堆
青綠畫圖似海島
疑自十洲僊山來
女媧補天多罅漏
銀河瀉落九天開
白漏丹砂猶可得
野人黃精自掘回
琅玕白鳳自飛舞
獨騎神虎相追陪
石梁模糊可徑度
天外三峯鸞鶴哀

夜聞天樂紫溪上仙人招手瑤石臺乘風飛雲頂上立
吸吐日月謝塵埃

登羅浮飛雲峯頂

萬峯走神僕絕頂立飛仙俯視但雲氣山止盡茫然迷
濛難見日呼吸欲通天白帝如能問蓬萊駕紫煙

由白鶴觀往蘇寮道中作

千盤澗道水淙淙風雨行看四百峯各占一邱開寺觀
經過卅里盡杉松綠萐夾坂路三折藍翠四圍山萬重
啞虎不來胡蝶舞菖蒲何處紫雲封

羅浮雜詠

龍字羊誤作雲

雲氣頻來往溪流無盡窮
澗花雜黃白山果結青紅
惟樹危峯底孤筇萬壑中
金丹可成就欲問葛仙翁

茶山寺

野人采藥千年去摘水鋤芝
萬壑重南岫松深雲掩菽
古僊符驗虎無蹤瀑泉映日
成飛練雲氣穿林過別峯
採得菖蒲眠白石一筇山路
聽梵鐘

遊羅浮四百峯畢

羅浮風雨半離合四百峯
巒合不成只有飛雲千尺雪
萬年常帶雨風聲

華首臺

青山若現莊嚴相
白水時聞清淨音
盡日孤青常說澹
諸天華雨萬重深

萬綠壓山松徑深
白雲繚繞碧陰
時從樹杪窺飛瀑
夜：梵聲悟到今

與幼博弟再游羅浮先至華首臺

石徑牽確鬱萬木
叢纏棕櫚盤松竹
枕榔倒挂依巖壁
菖蒲橫生出澗谷
洞門幽闕漉霜雪
華首高臺踞其麓
飛雲廣長瀉飛瀑
夜：說法龍虎伏
山僧採藥鋤附子
鋤得寶壚供尊宿
景泰宗風猶可希
頑石合掌受戒囑
蝙蝠不來胡蝶飛
諸天花雨長霏
華鬢會上散珠璣

半月龕中孤坐微夢入梅花一笑歸

梧州四詠

時以所著新學偽經考被按劾梁大鐵君招游梧州日與飲酒訪山水輒成詠

南漢鐘

渺：蒼梧雲忼慨王霸業鐘聲能感人浩蕩經千劫

漫泉

元次山所名

天地浩漫：湯叟將何游我亦汗漫人齒：枕清流

冰井寺

千秋常侍井飲此抱寒冰夕照紅墉下棕笠見高僧今

寺見毀矣佛教之大豈區區人力所能壞然二浩劫哉庚戌正月補記

戒石

黃山谷書

素餐矜寡過其罪過貪吏欲煩涪翁筆大戒叢脞字

鴛江船上飲酒聽歌者阿銀歌嘹亮淒楚別梁鐵

君

鴛鴦江上水夜：蕩銀雲容易傷離別桃花逐浪分

錢君惠沙田柚盈舟詠柚以贈鐵君惜其才俠不

見用也

嘉木出南方碧幹有潤理翦珪以為葉芳澤綠几几荆
揚充禹貢山海為益紀其實臣如斗碩大莫與比秋風
霜雪繁黃金纍：儼木杪翩欲墜質重不能舉摘來供
寢廟芬芳溢筵几剖分若蜂窠比櫛孕多子懷香既芳

溢清絕沁牙齒尚有辣氣存頗與紫桂似色相具莊嚴
質實又備美百果茲冠冕一切可奴婢惜老蒼梧桼未
登朱陛篚頗聞南海荔傳驛紅塵起時世貴穠媚瑰姿
宜委棄

過昭平

紅樹青山添白屋清江錦石走帆船山城好處誰人領
畫本天然逐幅傳

昭平江上作

冥濛細雨濕空江亂石堆灘急溜降烟水捕魚誰畫取
青山缺處記停艘

過平樂

去家十五日乃始到平樂看山舟行緩吾意不厭惡巨
石亘中流與水相激搏樓船載千斛小舟先纜索上流
繫石底轉軸行寸尺竹纜或中斷陡然千丈落吾航輕
以駛數篙翩已躍馬峽最險絕龍門尤詭錯恠石千重
列若規八陣略或列若魚飛或立如鸛鶴或哮如虎豹
或蹲如鳥雀或如袍笏立或如甲冑擢空谷入盤突迷
眩吞牙角誰云上灘難吾行得至樂

灘江雜詠

石瀨濺：立鷗鷺綠杉瑟：隱茅廬清溪縹碧竹排湓

曲字筆誤作谷

紅樹青山問賣魚

錦石竒峯次第開
清江碧溜百千迴
問余半月行何事
日讀天然畫本來

峭壁千峰摩頂圓
淨無塵土立風煙
峻嶒倒影晴江上
疑是身游兜率天

拍天清灘起鷺鷥
蕭蕭疏竹繞臺池
灘江清絕誰人領
入我扁舟一卷詩

十二月二十七日抵陽朔山城斗大石峯環其三

面一面臨江城
中亦有石峯峭立者
其市廛皆在山腰
林木蔚如有鑑光
寺者倚石壁臨江
敲

門不得入光景幽絕

山峯擁出萬蓮華紅葉山城倚翠霞拄笏看山到陽朔
不須句漏訪丹砂

過陽朔有村曰巫山倚峯臨水紅樹百千靈山樓
閣幽勝在畫圖中不啻桃源也不知居者何如
可

千峯拄笏石青二木葉深二灘水清紅樹千株露樓閣
碧峯深處有人行

泛灘江到桂林

灘水一千里縹碧涵清絕錦山帶危石兩岸青未歇崖

障千萬曲應接勞目睫煙雨捕魚圖鷺鷥百出沒人家
倚谷口有若仙居結綠杉徧蒙茸晚霞映明滅崔嵬鬱
崇巘萬丈隔天日度峽湍溜急石氣蒼龍散瀑布瀉懸
崖灘流互應奮小橋度澗曲野廟綴木末英：龍鬚草
浸泉生氣溢亂石插急流疑陣排魚沒行：到陽朔石
峯何突兀蒼：碧玉筍拔地千萬出有若龍象蹲有若
屏尊列員庠玉碗覆尖卓浮屠揭天馬忽騰空蹉蹙不
可繫逶迤遠含態勇直猛自拔前盼忘後來左顧慮右
失百里開平原山勢疾而伏遙知是桂郭近望藏萬室
游：桂水清幽：桂樹直吾行半天下佳境此為極未

詢民生艱且尋招隱客應有嵇阮徒同游著蠟屐支筇
足雲霞採薇栖巖穴顧謝螻蟻輩弋風何所得

和臨桂周散卿翰林有感

兵甲滿天地蒼生竟若何蹉跎夢金馬感愴泣銅駝避
地梁鴻去憂時杜牧多只愁好春色無處著煙蘿

謝方山觀察以詩稿屬點定步原韻題還之且約

遊山

曉來但覺嚼冰雪游入方知有洞巖後世斯文誰識悟
此中真味出酸鹹君家蠟屐齒未折我輩詩筒口不緘
為問應官聽臘鼓可能風雪上青巉

乙未元日次八十老人周慕陔同知元旦十疊韻

詩

一萬鶯花轉麗春三千關塞念邊人石頭事業無溫嶠
谷口沉淪有子真繩戶著書徒得謗金仙傳道未能親
重：桂樹歌招隱乞拍蓬萊道路新

上元夕桂垣藩署黃植庭方伯丈招觀燈即座口

占桂垣燈火燦爛雲龍數十舞隊數百京師吾

粵所無也然是時日本破鳳皇城

鈴閣重開照錦綉上元燈火桂垣新魚龍曼衍蓮華界
鶯燕招邀金粟輪百戲雲霞煊彩仗六街裙屐擁香塵

乘和飲酌同民樂猶憶吾家舊日春

先中丞公同治年
間曾官布政使居

此署

京華走馬記當年豈意來看八桂煙漫
紫霞移舞隊
微：紅燭擁飛仙五雲雜
龍華會七寶光明燕子榆
一萬鶯花開醉眼忽驚烽火念三邊

在桂林得佳石示桂中學者

我本滄海客慣看島嶼日出沒斗室不合繞雲霞
峯巒
光恠捧紅日壯士有奇懷天地為細物星宿羅諸胸
邱壑
瀉諸筆竭盡碣石盪渤海青
齊魯驟盤鬱
須彌反
覺芥子寬無芥不知方丈室不須足登泰岱顛
割取煙

雲几案前桂林片石一枝秀領袖八桂諸才賢擔將手
植萬樹桂魏：玉立蒼梧邊海岱能奉舒何況二三佳
士之翩：桂山真：桂樹直神秀啓關必有先會見降
嶽出豪雋我：入室光炎天泰山之仰在於此何時突
兀覩此齊州煙青眼為君歌此篇嗚呼何時突兀覩此
齊州煙

門人龍贊侯龍左臣胡治堂黎曉峯龍積之況晴
皋周伯雅王仁長夜餞余於枕霞閣贊炭積之及
李小浦凌晨迨送余至水月洞乃別卻寄

枕霞閣上送歸船水月洞中生曉烟天使看山行兩載

人同聽雨話千年關河金鼓頻憂國黎赤瘡痍欲問天

多謝灑江夜相送景風回首總淒然

吾兩月來寓疊
綠山景風閣

張安甫廉訪為余道陽朔畫山之勝廿三日過此

約權差馮達夫太守游畫山則過五十里矣此

外無可游者桂林山水還觀陽朔即未見佳達

夫招飲即席畱別並示同席劉大令蒙廣文

山川陽朔負虛名巖洞無多峯又傾料得清貧饒太守

曾經滄海笑山靈

今尹風流今孝綽廣文才筆是蒙莊一般管領佳山水

醉我扁舟繫綠楊

正月廿四日歸舟至平樂過此五十八日矣

噴坑 蒼玉列門屏攬勝亭前昔繫舸六
十日中鴻雪過
山痕依舊抹天青

廿五曉發長灘度古勞峽午至大龍灘

綠蘿白屋著青峯別嶺分畦種竹松
倒行緩放扁舟下
懸溜驚波過大龍

雨後泊舟山下

蒙茸碧山下澄潭綠憲霽況經新雨
後青蘿洗嵐黛幽
篁結石上倒映妙水繪桂棹潏清波
鱗紋散碎茅屋
倚巖幽青杉殊蒨薈樵歸汲清泉漁
柁夕煙晦佳趣在

挹領卽事多可愛妙悟無小大濠濮冥所會

龍門灘

灘江三百灘吾最竒龍門綿巨石十里中流截驚湍橫
排飛雁魚梢負成鸞鶴萬里亂流濟銜枚聲不喧昂首
噴洪濤千頭駢如龜箕張以翼舒變幻初無端小舟穿
其中曲折千百盤忽驚蛟龍掣卑若虜豹導我冠裾
立翩委珮繁旌旗暗雲霓立馬陳脚翻羊腸徑紆迴
迷茫出路難堆疊作山邱團亭蓋斑五洲及十島萬
丈愁躋攀中豁地中海靈對迴紫瀾昔人魚復圖風雲
變千般天工巧排造游戲現此閒開閉斷復續驚眩出

間關我欲鏹之去平江浩湯：移置吾林塘幽賞足壑
山不數滄浪亭羞死雲林顏

丙申人日奉太夫人與張夫人携同薇同璧女泛

艇花埭買花

烟雨井邊春最鬧素馨田畔擢方回千年花埭花猶盛
前度劉郎今可來

春波艇影滿珠江買得繁花載一艘花氣波光天上坐
神仙兒女倚蓬窗

吾新村居靈洲山西童時來游輒擬小隱廿年南

北未成山居每有希文圭峯月下之歎自強學

會散而歸丙申三月偕幼博及羣季游金山寺
僧出紙索書寫與

歲三春明十丈塵故鄉一日得閑身廿年未了山中約
三宿真為桑下人大海潮來龍聽法諸天花散佛聞因
靈洲山色還清淨坐數風帆過幾巡

游三水城

三十六江水羣流大會歸危樓雄攬勢橫石翠爭飛稅
重乘田少民愚學術微登陴攬千室鸞鳴弄斜暉

以千秋瓦鼎湖籐杖為葉蘭臺郎中文七十壽丈
六十自軍機謝歸主講越華書院足跡不入官

府

慧業最難兼壽相熟官誰肯賦歸田右丞圖畫真清絕

二傳風流定有傳秋夢不妨絲竹寫丈有秋春風應徧

李桃妍鼎湖古杖千秋瓦日見靈光更歸然

蘭臺先生賦詩酬會步韻再呈

詞館才華四十年朱霞晚路望如仙龐公州府絕無跡

若士歌詞舊託緣寫畫名流成不死啓超謹案蘭臺先生嘗手寫名人畫

像數每聞才士輒生憐百年佛相宜添入願竭駕駘作

鄭箋

譚彤士太守自日本還之官桂林遇於香港酒樓

原不聞二首

彤士索詩即席述舊游送之並示謝方山觀察

二首

曾作東瀛萬里游袖中詩卷壓滄洲
順風送到桂林好
碧溜青山晚放舟

吾在桂林城得二洞未有名因自據之一曰康巖

一曰素洞

康巖素洞泛烟霞桂樹幽
吾所家埽石尚勞賢地主

班春應識徧天涯買山錢乏慙真隱
賃廡春來託妙華

感起謹案妙華寄語東山謝安石
謂方山爭墩好事可

相誇

寄贈王幼霞侍御

幼霞名鵬運臨桂人清直能文
章填詞為光緒朝第一時欲脩

圓明園幼霞抗疏爭幾被戮幸翁常熟為清得
免然後為崇祿所賣誤劫常熟常熟以救幼霞

該我為告幼霞後幼霞卒
幼崇祿引去附注於此

脩羅龍戰幾何時王母重開善見池金翅食龍四海水

女床栖鳳萬年枝燄摩歡樂非：想博望幽憂故：疑

大醉鈞天無一語王郎拔劍我興悲

此詩作於丙申然
金翅食龍四海水

一該竟成戊
戌庚子之讖

丙申臘再入桂林除夕泊舟小傑度歲

三十九年事流雲擾：過扁舟有天地短鬢看山河絲

竹哀揚寫黎元疾苦多著書空老大海角已蹉跎

其二

南去北來何所事，海雲漠漠江洩洩。
舊山芳草幾多綠，故國殘花爛瀉紅。
渺渺羅浮曾見日，涓涓灑水自生風。
梅花零亂雪消散，卧聽濤頭打短篷。

除夕夜泊小傑與門人潘藻鑑鏡涵飲酒鏡涵新
得梅花顧而歌之

今年未嘗見梅花，荒江飄泊船為家。
除夕為懽空歎嗟，徒見晴峯插昊霞。
溱鑑健者天機妙，徒步野落簇龍嘯。
江樹垂垂見野梅，折得拱把供索笑。
飄飄縞袂入船來，忽若飛瓊落瑤臺。
繁花倚篷點窗檻，霓裳羽衣舞裊裊。

大地與月一枝樹眾星爛：萬花開龍伯大人吳質斧
斫花散入手中杯國土得失教起滅花藥開落不足咍
桂園山水盡綠碧小有園池水中石佳時泛舟來賞游
不聞神仙傷飄泊夜深風冷蒲：迫寒灘落潮聲不息
飛花忽散冷香襲高歌倚撓酒有力野廟燈紅天色白
丁酉元旦行舟平樂河青山作壁碧水為毯如此
華屋誰人受賀以為生平未有也

桂園小棹自翩：花地未游四十年山海蒼茫堂凸凹
雲林圖畫客神仙欣：萬物皆無我點：微塵各有天
別啟華筵賀元氣青山碧水上吾船

黃牛灘

黃牛山下石龕二
縹碧青溪漾
行覆空山十里不見人
但有鳥啼長松綠

看山

禽蟲草土本如一
大地原來一樹餘
陰陽識得同元氣
只有青山不著書

將至桂林望諸石峯

香山履道得一石作詩驚喜誇絕殊
倪迂獅林少奧詭
高廟歎慕力追摹
我好林泉尤愛石
園林無石不為
姝昔游燕吳讀園記
每見疊石輒懽呼
穿雲洞穴不自

已出沒坐卧皆為娛天慙至誠割紫府擲之桂林西南
隅上自全州下平樂千里之圓壁青腴峯巒竒聳百萬
億海之濤湧雲之鋪羣山奔走爭占地不開原野供官
祖藝鼎琳琅陳几席丈室豈有小隙乎方員從橫閒尖
曲如植杖笏覆瓶盃曉日穿雲射峯影諸天旌蓋落清
都沙漠大將列部位帳屯隊列擁萬夫廣殿設朝班仗
立裳冕劍珮相磨扶靈山大會天龍鬼獅象夜叉集眾
徒而我游戲於其間說瀟紛三點頭顛但割栖霞獨秀
与風洞玲瓏竒聳天下無改名石林昭其實號為吾園
久自私恨無錢路縮大地漫泛扁舟看畫圖貴人園林

少久住如吾再到豈為誣昔游舊影入夢寐每思輒作
十日吁縹碧青溪過陽朔羣峯雜沓來迎吾今日桂林
落吾手丈人兒孫紛走趨或拜或撫吾豈厭勝於拊腰
向紫朱康巖素洞久據此羨絕南宮驚倪迂行將築室
老於是天許桂海為衡虞

吾分工部
得虞司

重居風洞

浩天風吹蓬萊分一洞崖壁招天宇嶙峋萬靈貢飛
翠瀉疊綵樓閣倚其縫昔我來高卧雲霞日供奉負嶠
當窓立瀛海排闥送煙嵐紛白氣清江俛碧凍帆樯挂
日影嬉水娛幽弄諸峯數百億羅立似徒眾峭聳露頭

角先後相附從天樂時歛來空翠歆軒棟崢嶸時登陟
想像入寐夢扁舟重汗滂滂榻再受用寄語謝山靈應
無移父諷

謝方山觀峇迎贈詩章次韻奉和

碧水青山數驛程幽：桂樹最多情每念名山思再宿
重來摩石認三生萬言伏闕知何補一奉驚人想遠行
喜有宣城詩將在預陳旗鼓遠相迎

桂林風洞與門人曹仲儼龍贊侯況晴皋黎少峯

湯覺頓看雪懷梁卓如兼示麥鴉博時二子皆

在上海卓如將為美游

應下奪一指字

前年海上看飛雪，
藪。園林厚盈尺，
同踏雪者惟梁麥。
登樓白盡天地色，
劃雪題詩嚼野梅花下，
小影畱相憶。
今年看雪風洞中，
千巖飄。香霧濛蒼崖，
碧草映紅樹。
青山變作白頭翁，
已知人生無去住，
頗感行腳如轉蓬。
從我清游同感歎，
諸生况黎湯曹龍，
卻念征人折楊柳。
霏。雨雪落孤蓬，
海上舊游忽入夢，
梅花雪影應相同。
麥生佳句富文采，
臨江應海雲東。
孺博弱冠所為詩有
句云晏歲坐聞山鬼
嘯臨江東
有海雲生
梁生隨節使，
絕域海濤浩。吹天風，
鼃鼃不
吼。白日靜，
鮫鯨暗怒翻波紅，
東渡扶桑觀日出，
蓬島新
開列仙宮，
望洋漸作太平想，
合眾國土期大同，
甌甌神

感惠當已感惠

漢地肥食被髮美好士女丰剝利兜率觀善見諸天世

界千年逢會當登天攬日月後看橫地走山峯鄉人同

類殊可憫河當去禁令交通他時對雪華盛頓輜軒所

采博詩筒

啟超謹案是時任秩庸京師廷芳使美奏派余為參贊余方就湖南時務學堂之聘乃辭

不泯先生未知故云余將為美游也

再游桂林居風洞之景風閣大雨屋漏床篋盡溼

作詩報蔡仲岐廉訪而廉訪即命匠人來矣

岐仲

名希邨為廣西第一循吏感惠流聞且工詩與吾同開桂學會主持最力相待至厚感念殊深

我昔游桂林高卧景風閣屋瓦頗參差命匠補葺桶再

來重粵席山如舊娟樂僧言去歲風屋瓦之而作深春

雨連日淫雷勢歛薄中夜萬馬聲袞袞濕沾着呼僮遷
羣書囊篋又相撲賓座頗華嚴當頭如注落畫屋亟收
拾繞行無可託朝來客無席言談同蹉跎天道或難言
困我跡如削欲為樂天趣頗怨穹隆虐顧念四海家塗
炭無救藥平生同患志旅羈長行腳陋室尚云銘豈敢
厭困約况經賢使君勒工視屋角不必呼匠人自能催
將作農家急東耕破塊望苗穫悅視萬家室濛濛烟樹
幕霖雨徧蒼生吾更引觴酌

丁酉元夕前臺灣總統唐薇卿中丞夜宴觀劇出

除夕詩見示即席次韻奉和

起異舊鈔本作
豈易
笑款舊鈔本作
對花

妙音歷盡幾多春往返人天等一塵偶轉金輪開世界

更無淨土著天親黑風歛海都成夢紅袖題詩更有神

誰識看花皆是淚雄心豈忍白他人

是日所演劇有
看花淚一曲

羽衣雲帔想蓬萊無礙天風引去來種菜英雄看老大

念奴歌舞費新裁起居八座猶將母壇席千秋起異才

絲竹東山賓客滿不妨顧曲笑顏開

曲劇皆公自
撰自教者

二月六日岑雲階太常夜宴即席呈太常及唐中

丞蔡庶訪

九華燈色照朱纓千里鶯花入桂城萬玉哀鳴聞寶瑟

一枝穠艷識花卿芙蓉城遠神仙夢芍藥春深詞客情

新曲應知記頽豔從來側帽感三生

是夕演唐中丞撰新劇芙蓉詠

九日向子振觀察夜宴將鄙人前日律詩登之樂

府被以管絃命妙伶唱之即席賦謝

一曲紅氍樂府新官衙燈火桂城春黃河高唱廣陵散
再寫旗亭付後人

丁酉四月携門人龍積之龍贊侯龍左臣湯覺頓

王濬中等十餘人騎馬游龍隱岩摩撫黨人碑

刻跋題名其下

媪相熏天錮黨人一時黨獄遂千春祇今龍隱巖前路
卻為遺碑動馬塵

佛塔筆誤作佛切

大書深刻錮全門蘇馬英名草木尊一事便宜封驥者

千秋留得姓名存

石菴剔蘇重摩抄佛劫燈微劫已多我是清都淪謫客

蒲條異代竟如何

逾年戊戌黨禍遂作鄙人妄以罪魁步蘇馬後塵題跋皆磨滅不自意也

此三詩或為識計後未好事必有以三詩刻黨人碑後以成古今一大公案者亦為同緣也

一曲工書樂麻禱密商數火

孤舟心寄誰命收

人與向平謝

佛出風城

明夷閣詩集

南海先生詩集卷之四

門人新會梁感超手寫

自政變出奔日本元老大隈伯為適館授餐居
東半年名所館曰明夷閣自戊戌蒙難走英日
為秦庭之哭既不可得則自開保皇會於美
歸省母病遂圖勤王起戊戌終已亥兩歲幽憂
之作都曰明夷閣詩集凡九十九首

戊戌元旦朝賀是日日食上避正殿散朝遇

于晦若禮部同游諸殿口占

日射觚棧暈紫環黃衣避殿散朝班記得曾携于

悔若 中和殿上望西山

膠旅割後各國索地吾與各省志士開會自保未

乃合全國士大夫開保國會集者數千人累被

飛章散會謝客門可羅雀矣

八表離披割痛傷羣賢保國走滂徨從知天下為公產

應合民權救我蠻八俊三君自鉤黨周鉗來網巧飛章

書門幸免誅臣罪明聖如天賴我 皇

刻章上 上曰 會名保國何罪

之有不自白 太后乃 得免否則黨獄先起矣

懷翁常熟去國

膠變上書不達思義木草堂學者 於十一月十九日束裝將歸先是

常熟已力薦於一上至是病身決行凌表來南 海館吾臥床起排闥入汗滂舫留行遂不獲歸

及常熟見斥去又決行公謂上意拳萬不可行感過變法且累知已未知天意何如也

膠州警近聖人居伏闕憂危數上書已格九關空痛哭
但思吾黨賦歸歎早携書劍將行馬忽枉軒裳持執裾
深惜追止蕭相國天心存漢果何如

八月九日在上海英艦為英人救出得偽旨稱吾
進丸弒上上已大行聞之一痛欲絕決投

海寫詩繫衣帶後英人勸阻謂消息未確請待
之派兵船保護至香港時英總領事璧利南謂在廣州久慕我請學故

力請赦至感其意

忽灑龍鬚翳太陰紫微移座帝星沈孤臣辜負傳

衣帶碧海波濤夜二心啓超謹案戊戌之變羣賊自始

日與訛言謂帝疾大漸相驚以內務府已查大行典禮又撫惡民仇教之邪說謂南海先生曾以一丸進

帝服之遂為所迷惘此等謀詠編布輦轂併為一譚牢不可破其處心積慮則在還獲南海先生後旋即殺

帝因歸獄於先生而誅之故逮捕時偽旨稱帝已大行其時上海道蔡鈞以此偽旨編示各國領事各領事

多不見之故各國報紙咸報我國郵英領事往救先生即挾此偽旨行文中國明有八月初五日大行皇帝過

毒上賓之語先生親見之一痛哉絕此詩所以有帝星沈之句也而先生為英人所救事出羣賊意外悼西

鄰責言未敢遽行弒逆而收捕黨人又善無名乃一變而為謀圍頤和園之該此說起於八月初十日以後初

葬難時無有也此詩根於英領事所持偽旨實為本案鐵證今者先帝已矣而憑几末命猶不免杯弓蛇

影微聞今脩實錄無一人敢存直筆先帝之冤將承不能白於天下後世矣謹記所親聞以告良史

戊戌八月紀變八首今佚其三乃懷徐東海及哀諸新祭也

緹騎蒼黃徧九關飛鷹追逐浪如山我橫滄海天不死

猶在之采拾石還

吾乘英船名重慶者往上海道出之采泊船登岸徜徉拾石而返登萊

青道 吾船已行矣乃命驅逐水電觸飛鷹歸來追以之煤中

道 返。啟超謹案先生以八月初二日奉 硃諭命出京初四日復由林墩谷京御傳 口詔從行初五日遂

行 初六而難作開城大索而先生猶在天津也初六午乘重慶船葬大沽其後之采上海兩處名捕竟於難

若或使之焉

奪門白日閑幽州東市朝衣血倒流百年夜雨神傷處

最是青山骨未收

哀止弟幼博藁葬北京

關西夫子恒霍高博聞疆記人之豪忠憤誤譚五王事

千秋遺恨崑崙奴

哀揚漪川侍御。啟超謹案侍御忠鯁出天性胸無城府時賊黨文弟同

在臺中屢以言相饒冀得捧煬口實一日訪侍御力言
東朝沮授新政聲淚俱下因慷慨道唐五王事侍御信
之極獎其肝胆未幾文悌遂捏詞入告劾侍御有異謀
此六月間事也雖上燭其奸惡之然蜚語日中卒釀
變大

澧蘭沅芷思公子桂酒瓊茅祭國殤絕世英靈魂魄毅

鬼雄請帝在帝旁哀譚漢生京卿

抗疏維新冠九卿慙將薦剡累先生取憐七十老宗伯

沙磧冰天萬里行懷李廷園尚書

戊戌八月國變記事

歷：維新夢分明百日中莊嚴對宣室哀痛起桐宮旤

水滔中夏堯臺悼聖躬小臣東海淚望帝杜鵑紅

遮雲金翅鳥啄食小龍飛海水看翻立是天怨式微哀

哀呼后土慘：夢金闈千載龜蔡恨王孫育是非

吾君真可恃哀痛 詔頻聞啓起謹案戊戌七月二十四日 上諭云全國

人民皆上天之所昇 祖宗之所遺非志導之康樂 和親朕躬未為盡職又云使天下臣民共知其君之可

恃未定維新業先傳禪讓父中原皆沸鼎黨獄起愁雲

上帝哀臣罪巫陽筮予魂

南宮慙奉 詔啓起謹案先生當國變將作時曾兩次 殊筆密詔第一次乃七月二十九

日由四品御銜軍機章京楊銳傳出者第二次乃八月 初二日由四品御銜軍機章京林旭傳出者兩 詔

起皆獲恭讀其第一 詔由楊銳之子於宣統二年 都察院呈繳宣付寶錄 館其第二 詔末數語云尔其

愛惜身體善自保衛他日再 馳驅共與大業朕有厚望焉北關入無軍抗議誰曾

此詩編定今失載
據舊鈔本補入

上勤 王竟不聞更無敬業卒空討武嬰文痛哭秦庭
去誰為救 聖君

贈日本駐港領事上野季三郎

橫飛金翅決青岑不信神州竟陸沈
龍戰玄黃翻海水鯤圖南溟動潮音
岱宗靈氣連負嶠帝座星輝豁太陰
擊楫感君相濟意共看腰劍作龍吟

注香港半月日午總理大臣伯爵大隈重信招游
今前駐中國公使天野文雄電告九月十二日
乘河內丸遂東

海水排山通日午天風引月照琉球獨運南溟指白日

龜鼉吹浪渡滄洲

黎洲乞師曾到此
勃骨痛哭至於今
從來祖水堪流涕
不信神州竟陸沉

浴伊豆熱海登魚見磯

魚見磯頭孤嶼青冥
雲水見漁舸茫
身世雙筇杖
莽
乾坤一草亭
熱海湧煙衝地上
怒濤捲石帶梵聽
太平洋遠天還近
夜
驚波卻不平

同梁任甫羅孝高遊箱根宿塩之澤
遂翠樓浴温

泉

晚秋楓葉落紅翠
滿山谷溪流蕩松風
洪濤翻萬木長

橋臥澗坂湍激石碌。密林滴濕翠深碧不可濁紅橋。
應幾重慶閣枕巖腹當暑士女游裙屐炫川縉我來已
孟冬夜就塔澤宿溫泉療百疾我心不可浴電光夜獨
照芳流清可掬秋心不能收隨之聽飛瀑

登箱根頂浴蘆之湯

天地大逆旅家國長傳舍斯人吾同室疾苦誰憐借萬
方凝秋氣閉戶誰能謝既入帝網中重二纓絡二絳荆榛
救大道澗谷起寸蘗解脫非不能垢衣吾敢卸化身曾
八千惻怛又稅駕仲尼今旅人瞿曇乃乞者我生亦何
之應劫更多暇信宿席不煖去住心無挂灰飛滄海變

時放光明夜

荒山走寒雲極目但白草莽：峰萬重悲風號日暮木
落樹枝枯冬深石肯老十里不見人但見鼉鼉舞忽覩
一壑松青：點孤島白屋傍中麓紅屢臨大道其顛二
千尺冰雪早寒苦登高望東海白波揚浩：日月所出
入大地渺吞吐抗首問天語上帝為吾顧茫：晚故國
悵：非吾土山鬼躑躅行美人迷徑路溫泉豈能煖冰
心誰可告僕夫感踟躕信宿拍歸樹

蘆湖樓望富士山

山顛積雪冬夏不化雲在中峰
在下倒影湖中澄鮮至絕誠異

觀也日主
行宮在焉

箱根山頂浴蘆湯山荒草白雲茫。石徑犖确馬難步
下馬忽見明湖光清漪縹緲落山影如見西湖浸葛嶺
湖上人家湖畔樹扁舟容與走馬路繫馬上湖樓富士
正當頭峯顛積雪照白日高入青天一萬尺雲容。芳
在中央芙蓉碧瓣在下旁倒入明湖景竒絕黛色波容
共明滅有如白頭儂人擁玉女縞衣羽裳飄。舉白銀
宮闕現華嚴金沙寶楯善見處諸天游戲墜白帽世人
那知藍竹路絕頂山湖絕頂樓欲長幽隱洗我愁惜非
吾土難淹留王孫芳草空幽。

自宮之下溫泉冒雨下山仍宿塔之澤環翠樓

冷霧暝前林凍雲端近山不知雨冥冥但恠失碧鬢寒
風中人肌欲歸興已闌靈泉浴明珠無以解愁顏終已
非吾土豈得長盤桓冒雨命中車泥滑行路難盤紆坂
百折志決下匪艱青崖滴翠濕蒼碧雜紅斑草樹爛蒙
茸澗流鳴潺潺逝欲招厲涉無梁不可攀恍見環翠樓
明燈照寒灘夜聽鳴咽聲夢魂繞長安

環翠樓浴後不寐夜步迴廊

電燈的的照樓臺夜牒游廊幾百回明如月光難撥
渺微塵劫未灰風葉一秋疑積雨瀑泉竟夕隱驚雷
曉珠斗大盈懷抱倚徧銀屏數去來

三宿環翠樓

東澗流泉西湖瀑南山飛雨北山晴
高樓絕頂成三宿
卻憶華清夢未清

閱報見德人賀得滕周歲事又得楊濟川獄中詩

題其後

膠海輸人又一年維新舊夢已成煙
山河殘破成何事

大鳥飛來但黯然

傳言剛毅至楊云原籍聞喜縣見大鳥驚死

附獄中詩三首

楊深秀

久拚生死一毛輕
臣罪偏由積毀成
自曉龍逢非俊物
何嘗虎會敢徒行
聖人豈有胸中氣
下士空思身

後名縲絏到頭真不怨未知誰淚請長纓一月十日

長鯨跋浪足憑陵靖海奇謀媿未能安耻口邊多下

榮當思駁武有中興孤臣頃作湟中鹿酷吏終羞殿

下鷹平日敢言成底事溪益秋水已知冰十二日

□□□□□□□□孤忠畢竟待天扶絲綸閣下千言

盡車蓋亭邊一字無經授都中愧育杜詩成獄底學

蘇朝來鵲喜頻送尚憶墻東早晚烏十三日

聞意索三門灣以兵輪三艘迫浙江有感

淒涼白馬市中簫夢入西湖數六橋絕好江山誰看取

濤聲怒斷浙江潮

俠者梁鐵君聞余蒙難棄家從止同居日今夜

相共偶與圍棋感事聯句

偶向人間似奕棊

鐵君

一枰黑白到今疑更生關心自

有旁觀者

錢君

若問輸贏渾未知更生

日午內務大臣品川子爵以吉田松陰先生幽室

父稿及先生墨跡見贈題之

松陰為維新先河日相伊藤博文即

出其門品川子名弥二郎松陰衣鉢弟子譽焉為中國之松陰相待至厚

孔學在成仁春秋通國身拱膺為巧宦中庸託妄人全

軀保妻子秦越視斯民儒術久矣喪安問起傳薪舜水

茨高躅寓公搏棗濱大道重扶輪學派盛彬軒動神

國波大業輝維新王政忽復古三島颯慶雲元功在誰
手忼慨松陰君正學宗洙泗高蹈抗丘墳鼎：宏大道
軒：表蒼昊弟子同激昂大師國所尊首創尊攘義誓
心埽武門：：何赫：政柄八百春天王寔守府生殺
惟將軍急激蕝義我唱豈不憚禍艱救國心既苦殉道勇
所熏遂使羣處士奮起擗血痕前覆後軌繼大獄慘酸
辛終能覆霸圖版籍奉元君千年革霸命礪礪壯乾坤
豈知一士志誓死奮所聞創業伊絕偉道義窮其根固
知下無學不足振國羣我今讀遺書正氣照千春一讀
生慚悚再讀起輪囷諸夏媿無士東國存斯文

日本國民黨領袖佐友房以所撰戰袍日記見

贈賦謝

佐友房為維新勳臣當從西鄉隆盛舉兵日記即記此事

仗義清君側誓身雪國耻君國已何與称戈乃為死何
不戀妻孥保軀日燕喜丈夫有壯志馬革固常耳十金
裹餼糧百戰後知己但厲憤俠氣逞計成敗理大業雖
未濟至誠驚天地堂南洲翁明月碎於此讀君幽囚
作壯氣起頑鄙回首顧神州堯臺囚聖主金輪成北
朝誰為勤王起奄待國止愧此健男子

日本學者莊原和著新學偽經考辨以書寄贈並
承問訊不意舊著遠到雞林且有駁辨益徵好

學喜而賦答

去國曾懷趙江漢說經誰識吳草廬海東好事能著辨

台與洪朱併案書

洪古臣給諫良品朱蓉生侍御一新皆有專書駁辨日卒乃亦有人為之

洵佳話也

市觀異同從古難古文真偽自來爭天遣老夫猶不死

又來東國識經生

鳳靡鸞叱經幾劫春蘭秋菊各芳馨徂徠新井汲來秀

多謝殷勤問管甯

冬月夜坐

門徑蕭條犬吠悲微茫淡月挂松枝紙屏板屋孤燈下

白髮逋臣獨詠詩

前外務大臣伯爵副島種臣設中國齋相款並出

示詩文集談竟日以扶助中國自任感贈

副島伯爵

蒼海為維新元功漢學領袖曾使中國情素弥親

富士蒼々東海邊白頭一老枕花眠我來望岳餐元氣

但見飛雲滿九天

王猛遺言哀晉室謝安垂老卧東山控于大國知誰極

春草生兮怨未還

明夷閣與梁鐵君飲酒話舊事竟夕

鏡君名尔照
順德人二十

年老友少游決擊劔既乃折節讀書好王學佛
學工畫業鹽於梧州聞吾蒙難遂棄家從止助

吾臂畫卒死國事近
世烈俠未見其比

春夢婆婆六已空繁華逝水說河功
只今贏得明燈照
頭白昏三數落紅

影事前塵二十年舊時月色幾回圓
千紅萬紫都看遍
可是華胥了宿緣

冷吟狂醉到天明舞劍聞雞意氣橫
海外九州久漂泊
強為歌嘯不成聲

伯爵日野秀逸招宴出示藏書畫古物甚富伯爵
獮節堂太子母舅也為王朝公卿八百年多談
西京舊俗可資文獻即席賦贈益示天野為之

博士

王孫愛客酒微醺
喬木千年見世勛
話到西京耆舊俗
夢華有錄感斯文

登樓

蓬萊回首望神州
大海波濤蕩不收
憂甚陸沉天莫問
深：春色獨登樓

將去日本示從亡諸子
梁任甫韓樹園徐君勉羅
孝高羅伯雅梁元理

鳳靡鸞叱應幾時
茫：大地欲河之華嚴
國土吾能現
獨晚神州有所思

桂湖邨以日本刀及張非文集見贈賦謝

日本尚武俠其俗愛寶刀慷慨悲歌瞑目誓萬死成就
維新勞吁嗟震旦士氣懦偷生甘為北朝奴湖邨子哀
諸夏之國以為二帝三王孔子禮樂文明之所託不忍
坐視列強裂而攫拔劍悲歌舜水墓解劔贈我明夷閣
蛟龍夾綃脫紫縵引出寒光秋水薄太白橫天白氣纏
彗星爆汁金光落青虹貫日紫燄飛驚雷走電芒交作
蒼獅掣曳白象靡千年寶氣自騰躍不知大冶出相備
啓超謹案相模浦前
皆曰本封建時國名夜深龍鳴震墻角擔覓荆卿入秦
庭亢圖窮處神光橫忽見朱虛婦諸呂蕩滌殘聚洗媿

嬰老夫倚劍西北征揮割紫雲上青冥披艱埽穢震海
靈蛟鯉呼號神鬼驚重捧玉鏡整金經重為言曰張公
高文鴻烈馨之師東海吼碧鯨國危白馬泣濤鳴千載
已胥有恨聲橫劔蹈海撲龍腥再飲神漢宿甌詠方壺
負嶠見朱英長歌仰天視諸星白日煌煌太清

谷山本憲

魯連耻秦帝狄姑惡北朝呂武擅廢立海波震不潮嗟
余奉衣帶哭庭音曉：東海唇齒邦同教望古遙高士
山夫子遺經托囂：慷慨哀吾難奔走集其際哀我北
首望瀛臺幽神堯齊桓能救衛我欲賦黍苗測明詠

荆軻我聞風蕭。感子蹈海義痛我風雨脩。

桂湖村邀集上野鶯亭即席索詠口占兼示同席

陸羯南三宅雪嶺口口藻洲皆東國記者之盛

名能文者

不忍池邊詠盞簪萬家煙樹俯花南滿坐無言心已醉
梅仙染墨寄征衫

博浪椎秦起大風事無成敗六英雄只今東海逢黃石
酒入梅花飛落紅

東台一戰兆維新今日鶯亭無限春風雲感愾後來事
把臂休傷酒入唇

鷓鴣亭花月真無賴上野裙裾照早春最是新亭好風景
河山故國正愁人

濱村藏六許贈刻印索詩為券

篆刻雕蟲六壯夫詩人餘事落江湖神山自有散仙在
片石韓陵當索租

己亥元旦與王照梁啟超羅普在日本東京明夷

閣望 闕行禮

曉日曛曛射北扉遙從海外起朝儀仰看北極瞻丹
闕立對東風認紫微去歲走趨穿陞仗今晨顛倒之
宮衣逋臣西望腸堪斷故國雲飛有是非

遊日光德川氏廟

風景至勝廟貌壯麗
有漆柱一每值萬金

夾路松杉三十里白頭雪滿日光開海東伯業銷沈盡
畱得雕墻鎮此山

將往加拿大游歐宴文部大臣犬養毅大學教授

松崎歲之助及柏原文太郎陸實桂五十郎諸

名士于明夷閣口占贈諸公

陸海浮沉未可知人天去住亦無期明夷閣上羣仙集
留取風流作後思

己亥二月由日本乘和泉丸渡太平洋

老龍噓氣破滄溟兩戒長風萬里程巨浪掀天不知遠

但看海月夜中生

上巳後四日遊加拿大灣高華公園送譯者還日

本呈東國諸公

大瀛萬里隔游塵上野鶯花照暮春未敢回頭思漢月
御看江戶是鄉親

櫻花開罷我來時我正去時花滿枝半歲看花住三島
盈：春色最相思

三月乘汽車過落機山頂大雪封山雪月交輝光

明照映如在天上其頂甚平譯者請名之吾名

為太平頂

落機鐵路繞巉巖大雪長封直矗蔚藍身世直登太平頂
峯巒直走美洲南光明混合窈天一孤影真同明月三
此是玉京瑤島路欲為天閭試寥寥

四月過加拿大阿圖和都英加拿大摠督寬度侯
爵設跳舞大會招宴侯夫人電邀女畫師於都
瑯杜來寫吾像畫師年方十八紅衣娟妙最有
名者也

飄泊餘生北美洲左賢特為寫形留風鬟十八紅衣女
卻是中原顧虎頭

四月乘船渡大西洋近北極曉見二冰山高百丈

自北冰海流來者船人傾視誠環瑋大觀也

冰海凝寒橫北極積雪萬里大地白仲夏凍氣漸銷釋
轟然迸解如天裂光恠各成峰巒出塊磊海波互擊手噉
隨波浩蕩去窮髮飛輪浩：忽逢之驚恠海島生變疾
疑是共工推不周天柱散墜半段折或是蓬萊分左股
浮來海西自飄撇是時旭氣騰海上光彩相射更晶澈
兩峯中流凝水晶雪濤噴激遡皎潔玉山千丈照白日
雲氣清明無掩失平生浪說瑤島名今日見之豈恍惚
東峰長方似方壺西峰圓如負嶠窟頂平六渡似甌甌
可有神漢白于雪藐姑仙子羽衣裳身跨白鳳佩明璫

左挹鴻蒙古雲將翩
汗漫遊其旁皓鶴飲啄瑤草芳
應結瓊樓宿其上日泛銀海同徜徉手執琼枝飲瑤漿
冰肌玉骨生清涼無有渣穢謝文章萬歲千秋樂未央
漁史變滅計六良神明獨在太清長

到倫敦館於前海部尚書柏麗斯輝子爵子爵代
請於英廷扶救復辟議院開議進步黨人數少
十四人議卒沮以英使實納樂惑吾總署誣言
也遂去英時閏四月

秦庭空痛哭晉議自紛紛使者是非亂盈朝朋黨分陳
恒誰得討武豐六能君只愁飛袖水六極起愁雲

五月出利物浦渡大西洋重到加拿大入勝羅崙

江口

西洋巨浪地球稀萬里行程九日歸故國蒼茫烟月遠
逋臣憤慨海波飛雲垂大野星辰烟水接長天島嶼微
喜見美洲江岸近茫茫大地又何依

重經模士莊李崇再到酒家買酒中夏風景迴殊

春莫矣

客舍來時雪覆磯園林歸日綠陰肥再到舊家重買酒
寥天九萬過來稀

加拿大小住裊花士打某官請茶會男女數十皆

善曼歌有女士索吾作詩代歌傳於留聲器以
為韻事

小住裊花閣劫餘琴心鳥語散花初記取紫雲歌一曲
人天哀咽取湯余

己亥夏秋文島雜詠十九首

流離已久憂病頭風此海千島雪山照人日遊
一島始居帳幕繼裝潢漁室名曰寥天前後兩
居凡弣月志士馮侯卿奔走供給護衛至周

域多利海島無數山離雉泊我來遊每日蕩舟遊一島

夕陽醉繞魏家洲

島為中國人魏
四買而耕之

哀歌擊楫氣縱橫
珠島周遭帶醉行
驚起前洲漁者識
依稀故國棹歌聲

小島周遭十頃餘
小山松柏滿幽居
坐收平果生涯足
牧豕屠羊更取魚

日三磯頭坐看潮
長眠石上樹蕭蕭
蒼苔寸厚無人到
但有鴉聲破寂寥

大海網魚新事業
深山斫木好工夫
新來學得搵舟法
日向煙波作畫圖

居帳還同游牧國
秋千揀得大松林
有人來覓明夷子
叢木崇岡深更深

午時泳浴海波中
冰雪肌膚對冷風
旁人問我冷何許
對面雪山初雪溶

牽蘿補屋綴山齋
老木荒僵作几排
上有松枝陰最綠
讀書孤坐浪潛

晚來繞島一周遭
隱處看雲更聽濤
穿樹敲崖猶未了
險澗深處試三篙

老柏蒼僵大十圍
忽遭野火對斜暉
異香十日燒難盡
觀我生兮何所歸

回首中原歎陸沈
兵纏大角氣森森
老夫短褐登場獵
日：校槍能中心

黃松島大多野雞
校獵幽尋山路迷
深林蒼翠算烟紫
穿出磯頭看日西

海底齒：沙石見海面青：
斧帶舒繫舟倒挂岸松下
臥看漁人網截魚

石斑魚美世所無
椰菜數畦香異殊
鄰家開網朝：送
天遺土產不須租

瑤臺恠石暮躋攀
蘅杜江花滿石斑
老柏奇松低入海
臥懸樹杪聽溪潺

殊方窮髮察天室
痛哭英靈賦大招
西望瀛台波渺：

逋臣灑涕滿江潮

八月十三日與志士劉康恆
李福基祭以烈士于察天室

海雲海浪兩冥冥，秋氣秋心不敢醒。
盡日頭風醫不得，海波沐我月華生。

思君念母客萬里，憂國懷人又九秋。
最是痛心當八月，經年須髮白盈頭。

申胥痛哭知何往，正則行吟更自傷。
萬里投荒住孤島，登山臨水恣淒涼。

遊魏四島其婦以衣見贈

小灘咽樹幽，獨木為橋過隔洲。
野雉爭飛衣正熟，夕陽孤島盪輕舟。

游魏島歸棹望海思家時太夫人及眷屬住澳門

璧月亭、出海邊遠山近島紫凝烟踴躍金輪海山碧
遙知濠鏡影同圓

己亥六月十三日與義士李福基馮秀石及子俊

卿徐為經駱月湖劉康恒等創立保皇會二

十八日至域多利中華會館率邦人祝聖壽

龍旗搖颺觀者如雲灣高華與二埠同日舉行

海外祝嘏自此始也

海外初瞻壽域開龍旗披拂白樓臺白人碰盞擠裳

至黃種然燈夾卷來上帝與齡憐下土小臣泣拜倒蒿

萊遙從文島瞻瓊島波繞瀛臺夢幾回

文島中秋夜有故鄉蘇村之蘇熠來陪與話故鄉
事惘然寫付寄鄉人

飄零遠客二萬里垂白鬢絲四十春回首銀河共明月
最難文島宿鄉親漸將黨禍驚鄰曲媿之恩施及里人
便恐故鄉成永別空勞父老話逋臣

八月別文島周游之跌足而返回望吾廬窳天室悵然
不忍舍去

島樹別離行一周沙灘跌足不能游興闌緣盡後茲去
歸棹回頭獨倚舟

文島幽居占月餘風煙草樹不吾踈天涯走徧佳山水

比似寥天撼不如

己亥九月秋夜再到神戶仍宿警察署樓去年初
至忽：周期俛仰惘然

去年秋夜此曾經萬船燈火海冥：今夜篝鐙再飄泊
人民城郭夢如醒

自美洲東歸至橫濱懷木堂謁南湖村蓼洲東畝
諸子不得面寄贈以寫相思

東亞風雲日夜急溟海龍魚吹浪泣故人醉別已半載
萬里歸來正相待神山可望不可即颯風吹我落南極
鷺亭裊履空相憶欲往從之不可得焦心勞思徒及側

怒濤洶：捲白日摩挲寶刀扣刀銀何時再望富士山
吁嗟禹域不可到何心惆悵思江戶只恐從茲成永別
問訊櫻花顏色能如故

九月二十四夜至馬關泊船二日即李相國議和
立約遇刺地也有拍相國駐節處者傷懷久之
碧海沈：島嶼環萬家燈火夾青山有人遙指旌旗處
千古傷心過馬關

神戶汽車中夜半過日本前外務省參事官志賀
重昂譚國事竟夕索詩占贈

飄泊人天任所之櫻花開落遇君時萬里窮愁神戶路

忽逢夜半更譚詩

熟讀神山風景論賈耽地學莫如君

君著有日
今風景論

相見兩

看秋夜月天涯淪落起愁雲

君以去年為外務官奉命
接待我者初來見時六九

月夜也

過日卒懷舊相大隈伯前文部大臣犬養木堂寄

呈

夷吾不出柰蒼生問取木堂嘉樹成萬里東歸不得見

海雲冥冥怒濤橫

自馬關乘船適香港即去年九月東來之河內丸

也船主英人殷勤道故感賦

東海西洋三萬里雪來柳注已經年秋風獵：圖南溟
渤澥茫：過舊船艦主權欣慰身世事長歎勤問食眠
老夫無恙髮白矣卧看碧浪亦奇緣

居香港英輔政司駱乞通華文能論中國事頻來
慰問請茶會索詩港督卜君存問散：派警士
廿八保衛夫人贈畫感謝並呈

風雲激慘澹天地有傾欵金翅食龍子海波翻沸滴支
那際舊赦政頽民苦統愚公志移山誓欲救國活遭逢
際：聖主愛民變法決謀贊維新政百日民大悅掃除
二千年社政一旦脫龍隸流大庭兵氣纏宮闕堯臺

痛幽囚黨獄慘流血龍蛇鬪倉皇螻蟻命輕絕幸依大
國仁兵艦救倉卒色胥行哭秦莊烏渡吟越病母隔經
年遊子憂鬱咽香港許重來邏卒加嚴密亡人感恩惠
肺腑紉稠疊師三輔政君才明挺人傑金鏡騰光輝寶
手流惠烈文通倉頡史俗諺震旦轍赫伯哀瑣尾婉孌
蘭芷屑頻煩枉高軒採問箸書說嘆息遭秦熱百卷燼
灰滅無由酬賞顧只自慙罪孽每勗導晦養存及家人
節網繆在太平縞紵心已折况茲逋播臣感激五中熱
將軍過愛憐夫人畫妙絕銜戢知何謝冥報永歲月倘
復乘風雷長願親隣結

邱菽園孝廉未相識哀我流離自星坡以千金遠

贈賦謝

天下誰能憐范村餘生聊欲託朱家英雄末路黃金感
稽首南天一片霞

菽園投書邀往星坡答謝

飄泊寰瀛九萬程蒼茫天地賸餘生狐裘瑣尾泥中歎
羊節淒涼海上行夢繞堯臺波縹緲神驚禹域割縱橫
九州橫睨呼誰救只有天南龍嘯聲